



土岐文庫
文庫17
W127
2



文庫 17
W127
2

杜工部詩集卷之二目錄

松陵 朱鶴齡 輯註

宣城 施閏章

長洲 宋實穎 參定

樂遊園歌 曲江三章章五句 貧交行

白絲行 別出塞九首 送裴二虬尉永嘉

送張十二參軍赴蜀州因呈楊五侍御

送韋書之赴安西 奉贈鮮于京兆二十韻

奉畱昭集賢院崔子二學士 投贈哥舒

昭和六十年一月一日
土岐善唐氏寄

010185190094

開府翰二 韻 歎庭前甘菊花 醉時歌

醉歌行 麗人行 陪李金吾花下飲

陪鄭廣文 何將軍山林十首 重過何氏

五首 陪 賈公子丈人溝攜妓納涼晚際

遇雨二首 九日曲江 贈獻納使起居田

舍人澄 駙馬山亭宴集 送高三十五

書記十五 寄高三十五書記 贈高式

顏 與 源大少府宴漢陂得寒字 城

西陂泛舟 漢陂行 漢陂西南臺 九日

寄岑參 沈八丈東美除膳部員外郎阻

雨未遂 奉寄此詩 苦雨奉寄隴西公

天不呈王 在 秋雨歎三首 奉贈太常張

卿垵二 上韋左相二十韻 夜聽許

十一誦 然而有作 戲簡鄭廣文兼呈蘇

司業 日驃騎歌 沙苑行 驄馬行

魏將軍歌

杜工部詩集卷之一目錄 終

杜工部詩集卷之一目錄

二

杜工部詩集卷之二目錄

樂游園

十一篇

不是王

河未

聖卷

白雲

而亦

土章

一

奉

人

心

知

交

奉

苦

美

行

兼

籍

常

西

公

杜工部詩集卷之二

松陵 朱鶴齡 輯註

天寶中公在京師作

樂遊園歌

原注 晦日賀蘭楊長史筵醉中作 華題作晦日賀蘭楊長史

筵醉歌 漢書神爵三年起樂遊苑注三

輔黃圖云在杜陵西北關中記云宣帝立

廟於曲江之北號樂遊苑在京兆萬年縣南

周立廟長安志樂遊苑在京兆萬年縣南

八里亦曰樂遊原兩京新記長安中太平

公主於原上置亭遊賞每正月晦日三月

三日九月九日十女咸即此被襖登高詞

人樂飲歌詩翼日傳於都市黃曰唐志

德宗時李泌請廢正月晦以二月朔

為中和節則是前此以晦日為節也



樂遊古園翠昨沒森爽煙綿碧艸萋萋長公子華

筵勢最高秦川對酒平如掌長生木瓢示英華作樂真

率更調鞍馬狂一作歡賞嶺根水流為秦川一名

樊川長安志樂遊原居京城之最高四望窺敵京

城之內俯視如掌鮑照詩九衢平若掌長生木

瓢未詳或云以長生木為酒瓢長生青春波浪笑

木見西京雜記晉嵇含有長生木賦舊作映趙定

蓉園白日雷霆夾城仗閭闔晴開詠作詠英華同

蕩蕩曲江翠幙排銀榜拂水低徊舞袖翻綠雲清

切歌聲上上聲○錢箋雜錄漢宣帝樂遊廟唐世

愷為隋營京城以東南隅地高不便穿芙蓉池以

厭之兩京新記芙蓉園本隋氏離宮居地三十頃

周圍一七里張禮遊城南記芙蓉園在曲江西南

與杏園皆秦宜春下苑地園內有池謂之芙蓉池

唐之南苑也兩京新記開元二十年築夾城八

芙蓉園自大明宮夾東羅城複道經通化門觀以

達典慶宮次經春明延喜門至曲江芙蓉園而外

人不知也漢志天馬歌遊閭闔觀玉臺天門歌

天門開詠蕩蕩注閭闔大門也詠讀如迭潘尼

詩翠幙映洛湄神異經東方東明山有宮焉塙面

一門門有銀榜以青石岩鏤題曰天地長男之宮

靈光殿賦緣雲上征列子秦青撫節悲歌聲振

林木響邵憶年年人醉時只今未醉已先悲數莖

白髮那拋得百罰淡杯亦不辭聖朝亦一作知賤

士醜一物自英華作但荷皇天慈一作私此身飲罷無歸

處獨立蒼茫自咏詩

杜工部詩集卷二

曲江三章章五句

相如哀二世賦臨曲江之隄洲注曲江在杜陵

西北五里兩京新記朱雀街東第五街皇城之東第三街昇道坊龍華尼寺南有流水屈曲謂之曲江康駢劇談錄曲江池本秦隄洲開元中疏鑿為勝境其南有紫雲樓芙蓉苑其西有杏園慈恩寺花卉環列煙木明媚都人遊賞盛於中和上巳二節

曲江蕭條秋氣高菱荷枯折隨風濤游子空嗟垂

二毛白石素沙亦相蕩哀鴻獨叫求其曹劉安招隱上禽

獸駭兮亡其曹

即事非今亦非古長歌越梢林莽莫補切比屋豪

華固難數吾人甘作心以灰弟姪何傷淚如雨陶潛

詩即事多所欣

宋玉風賦麗石伐木梢殺林莽

漢書宣房歌泛濫不止兮愁吾人莊子心固可使如死灰乎

自斷此生休問天杜曲幸有桑麻田故將移住南

山邊短衣匹馬隨李廣看射猛虎終殘年錢箋雍錄樊川

韋曲東十里有南杜北杜杜固謂之南杜杜曲謂之北杜二曲各勝之地漢李廣傳廣屏居藍田南山中射獵見草中石以為虎而射之中石沒羽視之石也廣所居郡間有虎常自射之

貧交行

翻手作雲覆音福手雨紛紛輕薄何須數君不見管

鮑貧時交此道今人棄如土

蔡夢弼曰翻手作雲覆手雨言雲氣不待族而雨則雨所濟者微管鮑之交豈片雲過雨之雲巧者按顏延年謝監詩云朋好雲雨乖夫雲合而雨散雲一為雨則離不復合矣一翻覆手之間雲雨已判極歎交道之不可久也太白云前門長揖後門關公詩云當面輸心背面笑與此同慨

白絲行

繰絲須長不須白越羅蜀錦金粟尺象牀玉手亂

殷鳥間切紅萬草千花動凝碧廣韻繰繅繭為絲也

尺以金粟飾之何遜詩金粟裹搔頭舊注富貴家

紅色左傳左輪朱殷○趙曰絲織為羅錦遂有殷故曰不須白已悲素質隨時染一作裂下鳴機色

相射

食亦切

美人細意熨貼平裁縫減盡針線跡鮑照

詩繰絲復鳴機色相射五色射人也韻會熨持火展繒春天衣著為君陟略切

舞蛺蝶飛來黃鸝語落絮遊絲亦有情隨風照日

宜英華同輕舉香汗清一作塵汗顏色英華作開

新合故置何許鮑照詩佳期悵何許趙曰人情新而用之故而置之置何許歎其必

委棄也君不見才英華作志士汲引難恐懼棄捐忍羈旅

自絲行即墨子悲素絲意也起語是有激言之白絲素質隨時染裂稱意裁縫卒為人所棄置明有志之士不當輕變所守妄以及引望人也

前出塞九首

晉樂志出塞入塞曲李延年造○黃鶴注以前後出塞俱

公在秦州作今
從草堂本分編

戚戚去故里悠悠赴交河公家有程期亡命嬰禍

羅交河注見首卷君已富土境開邊一何多棄

絕父母恩吞聲行負戈

出門日已遠不受徒旅欺骨肉恩豈斷男兒死無

時死無時言時走馬脫轡頭手中挑青絲捷下萬

仞岡俯身試舉旗樂府水蘭詩南市買轡頭青

馬蹄

磨刀鳴咽水水赤刃傷手欲輕腸斷聲心緒亂已

久辛氏三秦記隴山天水八阪也山頂有泉清水

幽咽遙望秦川肝腸斷絕時丈夫誓許國憤惋

復何有功名圖麒麟戰骨當速朽麒麟閣注別見

造石柳孔子曰死不如速朽也

送徒既有長遠戍亦有身生死向前去不勞吏怒

嗔史記高祖以亭長路逢相識人附書與六親哀

哉兩決絕不復同苦辛漢書註六親父

迢迢萬里餘領我赴三軍軍中異苦樂主將寧盡

聞隔河見騎倏忽數百羣我始為奴僕幾時樹

功勳公孫弘傳贊衛青奮於奴僕

挽弓當挽強用箭當用長射人先射馬擒賊英華作寇

先擒王左傳樂伯左射馬而右射人殺人亦有限列一作立國目

有疆苟能制侵陵豈在多殺傷

驅馬天雨去聲雪軍行入高山逕危抱寒石指落層

冰問漢書高帝自將擊匈奴會久雨雪士卒墮指者十二三已去漢月遠何

時築城還浮雲暮南征可望不可攀時哥舒翰屢築軍城備吐蕃

單丁寇我壘百里風塵昏雄劍四五動彼軍為我

奔烈士傳楚王夫人常納涼而抱鐵柱心有所感遂產一鐵楚王命鑊鑄此精為雙劍三年乃

成劍一雌一雄鑊雷雄而以雌進劍在匣中常

悲鳴王問羣臣羣臣對曰劍有雌雄鳴者雌憶其

雄也王怒收鑊卸殺之其子眉間尺乃為父殺楚

王越絕書晉鄭圍楚三年不解楚引太阿之劍登

城麾之三軍破敗士卒虜其名王歸繫頸授轅門潛

身備行列一勝何足論匈奴傳虜名王貴人以百數師古曰名王謂有大名

從軍十年餘能無分寸功衆人貴苟得欲語羞雷

同中原有鬪爭况在狄與戎丈夫四方志安可辭

固一作困窮

按唐史開元天寶間無歲不有吐蕃之役時曾軍功以進者必多故後二章皆託為有功而不代者以諷之

送裴二虬尉永嘉 韓愈裴復墓誌父虬有氣略敢諫諍官諫議大夫有寵代宗朝屢辭不拜卒贈工部尚書

唐書永嘉縣屬温州

孤嶼亭何處天涯水氣中 謝靈運有登江中孤嶼詩寰宇記孤嶼在温州南四里永嘉江中嶼有二峰

故人官就此絕境興 謝靈運所遊後人建亭其上

誰同隱吏逢梅福遊山憶謝公 漢書梅福九江人補南昌尉下莽專政一朝棄妻子去九江至今傳以為仙宋書謝靈運出為永嘉太守郡有各山水肆意遊遨趙曰今積穀山南有謝公巖其東有謝公池靈運集有登郡東山望海詩舊注引謝安事非

舟吾已就 一作把釣 只是待秋風 一作只是

送張十二參軍赴蜀州因呈楊五侍御 唐書

都督諸州俱有參軍事掌出使贊導蜀州唐安郡屬劍南道垂拱二年析益州置

好去張公子通家別恨添兩行秦樹直萬點蜀山

尖 唐會要開元二十八年正月令兩京道路並種果樹 御史新驄馬參軍舊

紫髯 後漢書桓典拜侍御史常乘驄馬晉書邠超為桓溫參軍超有髯府中號曰髯參軍獻帝春秋張遼問吳降人有紫髯將軍是誰曰是孫會稽 皇華吾善處于汝定

無嫌 陳平傳金多者得善處金少者得惡處

送韋書記赴安西 唐書元帥節度府有掌書記一人關預軍中機

密 安西
注見一卷

夫子歛通貴雲泥相望懸白頭無藉在朱綬有哀

憐 趙曰無藉在謂無所倚藉故用對哀憐舊注作通籍之籍非是 禮記諸侯佩山玄玉而朱組

綬說文綬綬維也漢書赤綬注綬以繫印綬者系也 綬綬同按唐制御史賜金印朱綬韋書記必兼官御史故云

朱綬有哀憐也 書記赴三捷公車留二年 漢書注屬衛尉上書者所詣本傳天

寶十載獻三賦命待制集賢 欲浮江海去此別意

茫然

奉贈鮮于京兆二十韻

唐書李叔明傳叔明本姓鮮于氏兄仲通字向天寶末為京兆尹楊國忠傳國忠素德仲通使討雲南舉軍沒 白衣領

職未幾國忠引為京兆尹按通鑑天寶十一載四月王琚得罪救楊國忠鞫之仍兼

京兆尹至十一月庚申為右相十二載正月京兆尹鮮于仲通諷選人請為國忠刻

頌立於省門制仲通撰其詞蓋國忠入相仲通隨擢尹京兆也

王國稱多士賢良復幾人異才應間出一作爽氣

必殊倫始見張京兆宜居漢近臣漢書黃霸守京兆尹視事數月

不稱於是膠東相張敞守京兆尹敞治京兆略循趙廣漢之迹 驩驩開道路鵬

鷗離去聲 風塵侯伯知何等用作 文章實致身奮飛

超等級容易失沈淪脫略磻溪釣操持郢匠斤雲

霄今已逼台袞更誰親水經注渭水之右磻溪水注之溪中有泉謂茲泉東

南隅石室太公所居水次平石即太公坐釣之所
莊子郢人堊墁其鼻端若蟬翼使匠石斲之匠
石運斤成風盡堊而鼻不傷按史稱仲通輕財
好施其人必豪邁有才氣故以驂騮鵬鸚比之仲
通為國忠所薦節度劍南國忠又掩其瀘水之敗
得入為京兆尹此曰文章實致身與容易失沈淪
頌之亦鳳穴雖皆好龍門客又新義聲紛感激敗
諷之也

績自逡巡山海經丹穴之山有鳥焉其狀如雉五
采而文名曰鳳凰按顏魯公仲通墓碑

載仲通子六人皆有令問詳後送解于萬州詩
李膺傳膺性簡亢被容接者名為登龍門 敗績

謂公自途遠一作欲何向天高難重陳學詩猶孺子

嘉賓一作鄉賦念一作嘉賓鄉賦謂鄉舉晁錯傳以臣

也嘉賓不得同晁錯吁嗟後邾音詵計疎疑翰墨時

過憶松筠晁錯傳文帝詔有司舉賢良文學士錯

由是選中大夫晉書泰始中舉賢良庶言之士

下第邾詵以對策上第拜議郎此序開元末應鄉舉

之事獻納紆皇眷中間謁紫宸且隨諸彥集方覲

薄才伸紫宸殿注別見此序獻三破膽遭前政

陰謀獨秉鈞微生露忌刻萬事益酸辛前政秉鈞

也林甫傳帝詔天下通一菀以上皆詣京師林甫

忠已代林甫故云前政也交合丹青地恩傾雨露

辰有儒愁餓死早晚報平津鹽鐵論公卿者神化

傳元朔中伏薛澤為丞相封平津侯按平津謂國

忠也仲通與國忠浚交此詩疑公謁選時所上故

望其汲引舊注平
津指鮮于謬矣

奉畱贈集賢院崔國輔于休烈二學士唐

典開元十三年召學士張說等宴於集仙殿改名集賢殿修書所為集賢殿書院五品以上為學士六品以下為直學士唐詩紀事崔國輔吳郡人初授許昌令累遷集賢直學士禮部員外郎唐書于休烈開元初第進士自秘書省正字累遷集賢殿學士轉比部員外郎郎中黃曰公獻三賦明皇奇之名試文章崔于二學士當是試文之官也公詩集賢學士如堵墻觀戎落筆中書堂

昭代將垂白途窮乃叫閨氣衝星象表詞感帝王
尊天老書題目春官驗討論錢箋唐六典延恩廳

達者投之公獻三大禮賦後進鵬賦封西嶽賦皆投延恩廳故曰叫閨聖賢羣輔錄論語摘輔象云黃帝七輔其一曰天老帝王世紀黃帝以風后配上台天老配中台五聖配下台謂之三公南史杜之偉傳與學士劉陟等鈔撰羣書各為題目周禮大宗伯為春官倚風遺鵬音逸

鵲路隨水到龍門竟與蛟螭雜空聞一作燕雀喧

青冥一作猶契濶陵厲不一作飛翻

也三秦記龍門在河東界每暮春有黃黑鯉魚自海及諸川爭來赴之得上者便化為龍否則曝腮點額而退公以詞賦為人主所知再降恩澤止送隸有司參列選序故有青冥契濶之嘆

術誠難起家聲庶已存故山多藥物勝繫憶桃源
公族在杜陵而田園在洛陽此云故山謂東都故居也桃源在武陵唐時屬朗州方輿勝覽桃源

在鼎州桃源縣南二十里旁有秦人洞按唐朝州
即宋鼎州今為常德府憶桃源以故山比之桃源
也
欲整還鄉旆長懷禁掖垣謬稱三賦在難述二

公恩原注甫獻三大禮賦出身二公常謬稱述
○劉慎贈徐幹詩隔此西掖垣

投贈哥舒開府翰二十韻唐六典從一品
曰開府儀同三

司為散官舊唐書哥舒翰傳翰突騎首領
哥舒部落之後也蕃人多以部落為姓因
以為氏新書天寶十一載翰自隴
右節度副大使加開府儀同三司

今代麒麟諸本多作閣何人第一功君王自神武

駕馭必英雄漢書甘露三年單于入朝上思股肱
之美乃圖書大將軍霍光等十一人

於麒麟閣張晏曰武帝後麒麟時作此閣主應麟
曰閣必附殿翼奉傳云文帝時未央宮未有麒麟

殿則是其時并無閣顏即古州漢疏云蕭何造非
也杜詩博議按高宗紀總章元年二月以太原
元從西府功臣分為第一功第二功三等官其後
有差此詩以第一功期爾欲其遠比開國之功臣
也舊注引漢高論功以蕭何為第一殊不切
舒本蕃將必駕馭之而成功故以神武歸美天子
此立言之體也
開府當朝傑論兵邁古風先鋒百勝一作

在略地一作兩隅空舊唐書翰好讀左氏春秋傳
及漢書通大義初事河西

節度使王使使攻新城使翰經略又事王忠嗣遷
左衛郎將吐蕃寇邊翰拒之於苦拔海其衆三行
從山差池而下翰持半段鎗迎擊所回披靡尋充
隴右節度副使設伏殲吐蕃於積石軍按兩隅空
指河西隴右言之舊注北
征突厥西伐吐蕃甚謬
青海無英華傳箭天山

早挂弓廉頗仍走敵疆絳已和戎青海注見一卷
舊唐書天寶六

載翰代王忠嗣為隴右節度使築神威軍於青海
 上吐蕃至攻破之又築城於青海中龍駒島吐蕃
 屏跡史記索隱祁連山一名天山亦曰白山在
 張掖酒泉二郡界唐書西州交河郡有天山開元
 二年置天山軍隸河西道史記廉頗趙良將破
 齊攻魏封為信平君左傳晉魏絳說悼公和戎
 有五利公說使絳盟諸戎賜之女樂二八歌鐘一
 肆錢箋按本傳翰年已老素有風疾故以廉頗
 為此新書十二載賜翰者樂田園故以魏絳為此也每惜河湟棄新兼節制

通智謀垂睿

英華作春

想出人冠諸公

舊唐書吐蕃傳

龍泉與河合河之上流繇洪濟梁西南行二千里
 世舉謂西戎地曰河湟新書睿宗時楊矩為鄯州
 都督奏請黃河九曲地為公土湯沐九曲木甘草
 良宜畜牧近與唐接自是虜益張雄易人寇十
 二載翰進封涼國公加河西節度使攻破吐蕃洪
 濟大漠門等城悉收九曲以其地置洮陽郡築神

策宛秀二軍趙曰翰收復河西故為帝所係
 想出建節而入歸朝諸公之冠也舊注引上忠
 嗣被罪詔翰入朝帝虛心待日月低秦樹乾坤統
 之事在復河湟以解兵是

漢宮

人愁逐北宛馬又從東

宛馬注見一卷

受命邊沙

一作軍麾遠歸來御席同軒墀曾寵鶴咬獵舊非熊左
 衛懿公好鶴鶴有乘軒者注軒大夫車也邵氏聞
 見錄軒墀寵鶴或以為病按韻會檐宇之末曰軒
 取車象也借用無害史齊世家文王將獵卜曰
 所獲非龍非虎非龍非虎史記及六韜並無非熊語洪
 於渭陽載與俱歸按史記及六韜並無非熊語洪
 容齋云後人使非熊始於呂翰蒙求然公詩已先
 之矣爾雅翼熊之雌者為羆則熊羆殆可互用
 錢箋舊書翰與安祿山安思順並為節度使祿山
 在范陽思順翰分控隴朔故曰受命邊沙遠翰素
 與二人不協上命詰為兄弟十一載冬並來朝使

高力士於京城東駙馬崔惠童山池宴會賜燕洛
河以和解之故曰歸來御席同也寵鶴非熊即御
席之人分別言之言蘇山思順軒墀之鶴耳豈如
翰為田獵之非熊乎以衛懿公託諷玄宗譏其不
能屏祿山忍順而專任翰也劉會孟漫
評之曰此語深愧士大夫不知何謂
茅土加名

數山河誓始終策行遺英華戰伐契合動昭融勳

業青冥上交親氣槩中書傳王者建諸侯各副其

黃土直以白茅茅取其潔黃土取王者覆四方漢

書徒名數於長安注名數戶籍也漢書高祖封

功臣誓曰使黃河如帶泰山若礪國以永存及

苗裔舊唐書玄宗紀天寶十二載九月隴右節

度使涼國公哥舒翰進封西平郡王食實封五百

戶遺戰伐猶云王者無戰詩昭明有融注融

長也天既光大汝成王以昭明之道甚有長也

舊唐書翰調儻任俠好然諾縱橫酒疎財重氣士

之未為珠懷客已見一作曰頭翁壯節初題此

生涯獨轉蓬幾年春草歇今日暮途窮史記春中

除人其上嘗昔躡珠履成部記司馬初如初西

去題昇仙橋柱曰不乘馴馬車不復過此橋後果

乘傳至其處橋在望鄉臺東南一里軍事留孫楚

管華陽縣謝靈運詩草亦未歇

行問識呂蒙晉書孫楚為石苞參軍楚負其

將一作欲倚崆峒晉書孫楚為石苞參軍楚負其

子命我參卿軍事吳志呂蒙幼隨姊夫鄭當擊

賊策引置左右張昭薦蒙拜別部司馬陸機辨亡

論拔呂蒙於戎行錢箋翰奏侍御史裴冕為河

隴右十將皆加封若王思禮為翰押衙魯炆為別
將郭英又亦策名河隴間又奏安邑曲環為別將
是皆拔之行間也舊書隴右道岷州蓋言欲入戎
崆峒山在縣西二十里倚劍崆峒蓋言欲入戎
幕

歎庭前甘菊花

庭一作階前甘菊移時晚青蕊重陽不堪摘明日

蕭條醉盡醒一作盡殘花爛熳開何益籬邊野外

多眾芳采擷細瑣升中堂念茲空長大枝葉結根

夫所纏一作風霜

醉時歌原注贈廣文

諸公袞袞登臺一作省廣文先生官獨冷甲第紛

紛厭梁肉廣文先生飯不足舊唐書天寶九載七

文館新書鄭虔傳玄宗愛虔才欲置左右以不事

事更置廣文館以虔為博士在官貧約甚淡如也

先生有道出羲皇先生有才一作過屈宋德尊一

代常坎軻名垂萬古知何用杜陵野客人更一作

嗤被褐短窄鬢如絲日糴太倉五升米時赴鄭老

同襟英華同期漢書元康元年以杜東原上為初

帝杜陵在長安城南長安志杜陵今在奉先城東

南二十五里三趙村陵在高原之上即鴻固原也

太倉米十萬石減價糶與貧人阮籍詩宿昔屬

任二部詩集

裳得錢卽相覓沽酒不復疑忘形到爾汝痛飲真

吾師錢箋文士傳爾衡有逸才與孔融為清夜沉

沉動春酌燈一作前細雨簷一作花落但覺高歌

有鬼神焉知餓死填溝壑相如逸才親滌器子雲

識字空投閣劉逸詩簷花初照月洞戶未垂帷

滌器於市中注器食器也揚雄校書天祿閣上

治獄使者來收雄從閣上自投下幾死莽問其

故乃劉棻嘗從雄學作先生早賦歸去來石田茅

屋荒蒼苔儒術於我何有哉孔丘盜跖俱塵埃不

醉歌行原注別從姪勤落第歸勤郭本作勤

陸機二十作文賦汝夏小年能綴文總角草書又

神速世上兒子徒紛紛錢箋滅榮緒晉書機少襲

而吳滅退臨舊里與弟雲勤學機妙解情理心識

文體故作文賦漢書贊自孔子之後綴文之士

衆矣趙曰草書以遲為工所謂匆匆不及驍驍

作駒已汗血鷲鳥舉翮連青雲詞源倒傾英華三

峽水筆陣獨掃千人軍隋文傳筆有餘力詞無

圖紙者陣也筆者刀槍也墨者釜甲也硯只今年

纔十六七射策君門期第一舊穿楊葉真自知暫

蹶霜蹄未為失偶然擢秀非難取會是排風有毛

質汝身已一作見唾成珠汝伯何由髮如漆漢書注射

策者為問難疑義書之於策量其大小署為甲乙

之科不使彰顯隨其所得而釋之以知優劣

國策楚有養由基者去柳葉百步而射之百發百中

莊子馬蹄可以踐霜雪鮑照與妹書浴雨

排風吹滂弄翻咳唾自成珠莊子子見夫唾者乎噴則大者

如珠趙壹詩春光潭陳書張麗華髮長七尺鬢黑如漆

春光潭澹作池徒可秦東亭渚蒲牙

白水荇青風吹客衣日杲杲樹攬離思花

冥冥江賦隨風倚菱與波潭池善曰潭池隨波之貌富嘉謨明水篇春光潭池度千門舊注秦

皆一作醉我獨醒乃知貧賤別更苦吞聲躑躅涕

淚零

麗人行洛神賦睹一麗人於巖之畔

三月三日天氣新長安水邊多麗人周禮女巫巫掌

浴注如今三月三日上巳往水上之類晉書禮志

魏以後但用三日不復用已黃曰此詩為諸楊

從幸華清宮作按起二語乃刺其遊宴曲江之事

也舊書玄宗每年十月幸華清宮國忠姊妹五家

扈從每家為一隊著一色衣五家合隊照映如花

遺鈿墜鳥瑟瑟珠翠燦爛芳馥於路而國忠私於

虢國不避雄狐之刺聯鑣方駕不施帷幔明皇雜

錄上將幸華清宮貴妃姊妹競飾衣服共會於國

忠第同入禁中炳煥焰燭觀者如堵其態濃意遠

從幸華清如此度上巳修禊亦必爾也

上巳節詩集卷之二

淑且真肌理細膩骨肉勻繡羅衣裳照莫春感金

孔雀銀麒麟淑真婦人美德公反言以刺之也

也賦滑頭上何所有翠微英華作爲甸音登華音登烏音洽切英葉

垂鬢唇背一作身後何所見珠壓腰袂其輒切一作

穩稱身錢箋玉篇甸綵婦人頭花髻飾翠爲甸葉

日注衣後裙也珠壓腰袂蓋衣裙以珠綴之爾雅袂謂之

頭與腰之飾而一身之服備矣按揚用修謂珠壓

腰袂穩稱身之下古本有足下何所著紅藻羅襪

未見漆此反覺蛇足就中雲幕椒房親賜名大

國號與秦西京雜記成帝設雲幄雲帳雲幕於甘泉紫殿世謂三雲殿三輔黃圖椒房殿

在未央宮以椒和泥塗壁皆有才貌並封國夫人大姨封韓國三姨封魏國

八姨封秦國天寶七載幸華清宮同日拜命通鑑

適崔氏者爲韓國夫人適裴氏者爲魏國夫人適

柳氏者爲秦國夫人紫駝之峰出翠釜水精之盤行素鱗犀

筋厭飫久未下鑿刀縷切空紛綸黃門飛鞞不動

塵御廚絡繹英華作送八珍漢書大月氏出一封

高也如封土然今俗呼爲犖首峰西陽雜俎衣冠

家名食有將軍曲良翰能爲駝峰炙王績遊北山

賦拭丹爐而調石髓哀翠釜而出金精太平御

覽交州雜事云太康四年刺史陶璜表送林邑王

所獻縹緗水精盤各一枚王廙笙賦舞靈蛟之素

鑿詩傳鑿刀若飛應刃落徂霍霍霏霏節西征賦養人縷切

士工部詩集卷二

門以其給事黃闓之內服虔通俗文所以制馬口
日鞚鮑照詩飛鞚越平陸周禮膳夫珍用八物
注珍用淳熬淳母炮豚炮牂擣珍漬熬肝管也
唐書貴妃傳帝所得奇珍貢獻分賜諸姨使者相
銜於道五家如一黃蕭鼓一作哀吟感鬼神賓從
去雜一作選音實要津後來鞍馬何逡巡當軒下
聲雜一作選音實要津後來鞍馬何逡巡當軒下

馬立錦茵楊花雪落覆白蘋青鳥飛去銜紅巾

傳雜選眾賢廣雅楊花入水化為萍爾雅翼萍
其大者蘋五月有花白色謂之白蘋或曰樂府楊
白花歌曰楊花飄蕩落南家又曰願銜楊花入窠
裏此胡太后淫詞用之以託諷楊氏也山海經
三危之山三青鳥居之注青鳥主為西王母取食
者漢武故事七月七日王母至有二青鳥如鳥夾
侍王母旁梁元帝詠柳枝邊通粉色障裏
映紅巾王勃落花篇羅袂紅巾往復還炙手可

熱勢一作絕倫慎莫近前丞相喚英華作向兩京新記

上之季妹也附會章氏熱可炙手道路懼焉崔顥
詩莫言炙手手可熱須臾火盡灰亦滅古樂府
當時近前面發紅通鑑天寶十一載十一月庚申
以楊國忠為右相兼文部尚書按上云當軒下馬
即國忠也國忠與虢國從兄妹而有醜
聲故有近前丞相喚語此公之微辭

陪李金吾花下飲

勝地初相引徐行得自娛見輕吹鳥毳隨意數花

廣韻毳鳥毛潘岳安石櫛賦細的點乎紅鬚
到淵林蜀都賦注藥者或謂之華或謂之實一
日花鬚細草稱讀平偏一作坐香醪懶再沽趙日
頭點也細草稱讀平偏一作坐香醪懶再沽趙日
使偏勸偏醒偏秣此云醉歸應犯夜可怕李金吾
偏坐言偏宜於此坐也

卷二

唐六典金吾將軍掌宮中及京城晝夜巡警之法

陪鄭廣文遊何將軍山林十首

東方朔傳實太主曰

回輿在路臨安山林注園中有山不敢稱第故托言山林也錢箋長安志塔坡者以有浮圖故名在韋曲西何將軍之山林也今其地出美稻土人謂之塔坡米通志少陵原乃樊川之北原自司馬村起至何將軍山林而盡其高三百尺在杜城之東韋曲之西上有浮圖亦廢俗呼為塔坡

不識南塘

一作唐

路今知第五橋

錢箋張禮遊城南記第五橋在韋曲

之西與沈家橋相近南塘按許渾詩云背嶺枕南塘其亦在韋曲之左右乎又曰內家橋之西有沈家橋第五橋亦以姓名通志韋曲西有華嚴寺寺西北有雁鴛陂陂西有第五橋杜云今知第五橋

也隋開皇三年築京城引香積水自赤欄橋經第五橋西北入城

名園依綠水野

竹上青霄谷口舊相得濠梁同見招

谷口謂鄭廣文莊子莊

子與惠子同遊濠梁之上平生為幽興未惜馬蹄遙

百頃風潭上千章

一作重非

夏木清

史貨殖傳山居千章之菽注大樹曰

章卑枝低結子接葉暗巢鷺

魏文帝詩卑枝拂羽蓋按卑枝接葉二句

古人所謂雙聲詩也鮮鯽銀絲鱠香芹碧澗羹翻疑棹

徒可切

樓底晚飯越中行

見羹鱠而思越猶前聞吳詠而思吳也

萬里戎王子何年別月支異花開絕域滋蔓匝清

池漢張騫傳匈奴破月氏王師古曰月氏西域胡國也氏音支舊唐書肅州酒泉郡漢月支國地

龍朔元年於吐火羅國所治遏換城置月氏都督府按戎王子必是月支花名但未詳何種或曰本草日華子云獨活一名戎

王使者戎王子當是其類漢使徒空到神農竟不知

趙日漢使空到謂張騫至西域止得露翻兼雨

知安石樞種神農不知謂本草不載也

打開拆日荆作離披宋玉九辨奄

旁舍連高竹疎籬帶晚花碾渦溪沒馬藤蔓曲藏

垂一作蝮通俗文石礪轆轤日碾詞賦工無一作益

山林跡未賒盡捨蔡云捨正作書籍賣來問爾東

家家語魯人謂水滄江破殘山碣石開綠垂風折

剩郭作賸趙云籜俗作剩

筓紅綻雨肥梅銀甲輝籜用金魚換酒來

南史羊侃有妓著七寸鹿角爪彈箏一時無對

晉書阮孚為散騎常侍常以金貂換酒玉海朝野

僉戴高宗上元中令九品以上佩刀礪算袋紛悅

為魚形結帛作之取魚之衆鯉強兆也唐會要魚

袋著紫者金裝緋者銀裝按車服志佩魚始高宗

朝武后改佩魚為龜中宗初罷龜袋復給魚此詩

作於天寶年間宜有金魚之句然太白憶賀監詩

又云金龜換酒處蓋龜魚皆唐制不妨隨舉言之

楊用修謂太白遇知章在中宗時故以金龜

換酒誤矣考太白年譜中宗初才五六歲

無灑掃隨意坐莓苔

風磴吹陰一作雪雲門吼瀑滿木泉蜀都賦指渠

注謂渠口為雲門猶雲來則雨至也烟沈水井雨歇雲門

言飛瀑之濺乍疑吹雪酒

上二下詩集卷二

三

醒思臥簟衣冷欲裝綿野老來看客河魚不取錢

祗一作疑淳樸處自有一山川

棘刊作棟樹寒雲色茵蔯春藕香說文棘小棗叢

小者棘按獨生而高者為棗列生而低者為棘觀

字形可辨然此云寒雲色似是高而大之木又爾雅

注亦棟好叢生山中自棟葉圓而歧為大木從別

本作棟亦通本草茵蔯蒿類經冬不死更因舊

苗而生故曰茵蔯李時珍曰茵蔯氣芳烈昔人多

薛為蔬洪舜俞老圃賦酣糟紫姜之掌沐醯青陳

是也脆添生菜美陰益一作食單非涼鄭望膳

僕射巨源有燒尾宴食單戎幕開談顏魯公請范

氏尼問命尼指座上紫絲布食單口顏衫色如此

脆茵蔯之脆野鶴清晨出一作山精白日藏中

陰棘樹之陰也

記山精如人一足長三四尺食山蟹夜出晝藏

石林蟠水府百里獨蒼蒼

憶過楊柳渚走馬定昆池唐書安樂公主傳

沼不得乃自鑿定昆池定言可抗訂之也景龍文

館記安樂公主西莊在延平門外二十里引流鑿

沼延袤十數里時號定昆池張禮遊城

南記池在韋曲之上楊柳渚今不可考醉把青荷

葉狂遺白接羅西陽雜俎魏鄭公慤取大荷葉置

柄通傳吸之名碧筒盃錢箋爾雅注白鷺翅上

有長翰毛江東取為接羅晉山簡傳每臨高陽池

未嘗不大醉而還時人為之歌刺郎達船思鄧客

日時時能騎馬倒著白接離

解下戒水乞欺吉切王原叔吳兒莊子漁父船

說文郢故楚都在南郡江陵北十里晉書夏統

能水戲賈充以鹵簿妓女繞其船若不聞充曰此

杜工部詩集卷二

杜工部詩集卷二

吳兒是木人石心也坐對秦山晚江湖興頗隨

牀上書連屋階前樹拂雲將軍不好武稚子總能文醒酒微風入聽詩靜夜分周禮以星分夜絺衣挂蘿薜

涼月白紛紛

幽意忽不愜歸期無奈何出門流水住一作回首

白雲多一作雜花多非○庾信同秦寺詩畫水流全住圖雲色半輕自笑燈前

舞誰憐醉後歌祇應與朋好風雨亦來過

重過何氏五首

前詩云千章夏木清後詩云春風啜茗時蓋前遊在

夏後遊在明年之春也

問訊東橋竹將軍有報書倒衣還命駕高枕乃吾

廬晉書呂安與嵇康友每相思千里命駕慈安鶯捎所交蝶溪喧獺

趣魚曲禮正義安顏下之貌一日關中人謂落為及說文自關以西凡取物之上者為橋梢增

韻梢取也掠也又搖梢動貌重來休沐地真作野人居漢書注

休息以洗沐也

山雨樽仍在沙沈榻未移犬迎曾宿客吳曾云顧

憎閑陶本作犬鴉護落巢兒雲薄翠微寺天清雜錄皇舊作

定作皇子陂唐書長安縣南五十里太和谷有太和宮武德八年置貞觀十年廢二十一年

復置曰翠微宮籠山為苑元和中以爲寺長安志翠微宮在萬年縣外終南山之上按元和去公沒

三十餘年今詩已云翠微寺豈此宮廢置不一中
 間曾改為寺耶水經注瀟水上承皇子陂於樊
 川其地即杜之樊鄉也十道志秦葬皇子起冢於樊
 北原上故名皇子陂隋改永安陂唐復舊趙曰公
 前篇云今知第五橋而題鄭著作詩云第五橋邊
 流恨水皇陂岸北結愁亭正相近之地則此當為
 皇子斷無疑矣向來幽興極步屨一作屨到東籬說文屨履中薦
 也又履也宋書袁粲為丹
 陽尹嘗步屨白楊郊野間

落日平臺上春風暖茗時石欄斜點筆桐葉坐題

詩藉翠鳴衣桁下浪蜻蜒立釣絲說文藉赤羽雀翠青羽雀也李

巡曰鷓一名翠其羽可以為飾韻會自今幽興熟

一云自逢來往亦無期

頗怪朝參懶應耽野趣長王右軍帖吾怪雨拋金

鎖甲苔臥綠沈槍薛蒼舒曰車頻秦書云苻堅使

唐六典甲之精細者為鎖子甲言相銜之密也按

鉅鎖子皆鐵甲也崔顥詩錯落金鎖甲蒙茸貂鼠

衣西溪叢語北史隋文帝賜張倫綠沈甲獸文

具裴武庫賦曰綠沈之槍續齊諧記云王敬伯夜

見一女取酒提一綠沈漆榼王羲之筆經云有人

以綠沈漆竹管及鏤管見遺蕭子雲詩綠沈弓項

類薛蒼舒注云精鐵非也吳曾漫錄槍用綠沈飾

之如弩稱黃間以黃為飾劉邵趙都賦其用器則

六弓四弩綠沈黃間古樂府綠沈明月弦此弓亦

號綠沈也宋元嘉起居注廣州刺史韋朗作綠沈

屏風六典鼓吹工人之服亦有綠沈此以綠沈飾

杜工部詩集

卷二

三

日休新竹詩一架三百本綠沈森冥冥皆語其色也趙德麟誤以為竹名而或以為鐵尤謬野客叢書綠沈不可專指一物蓋物色之淡者皆為綠沈也按楊用修謂綠沈槍是以綠沈色為漆飾槍柄蓋本西谿胡元瑞非之云乃綠沈色之鐵耳今備存其說以待參考

纔足稻梁爾雅楊蒲柳疏楊一名看君用幽意白

日到義皇陶潛傳夏日高臥北窓之下

到此應嘗宿相畱可判年舊注禮記注云判半也按古音多四聲互用唐人猶知此法如判字本去聲亦讀平聲吳越春秋一土判死兮而當百夫王筠行路難含情畜怨判不死是也音義與拚通杜詩拚字都作判此詩可判年猶云可拚却一年耳又孫勔唐韻拚字收入

二十三阮玉篇拚一音伴則拚字正可從仄聲叶非半年之解蹉跎暮容色一作

鬢

悵望好林泉向日霑微露歸山買薄田斯遊恐不

遂把酒意茫然

陪諸貴公子丈八溝攜妓納涼晚際遇雨

二首錢箋張禮遊城南記又西北經下杜城過沈家橋下杜城之西有丈八溝

卽子美納涼遇雨之地通志

落日放船好輕風生浪遲竹深畱客處荷淨納涼

時公子調冰水佳人雪藕絲家語黍以雪桃注雪拭也片雲頭

上黑應是雨催詩

雨來霑席上風急一作打船頭庾信詩五越女紅

兩開船頭

杜工部詩集卷二

二

裙濕燕姬翠黛愁
纜侵堤柳繫幔卷浪花浮
歸路翻蕭颯陂塘五月秋

九日曲江

綴席茱萸好浮舟菡萏

徒感衰切

所追切○風土記茱萸一名葢九月

九日熟味辛色赤折其房挿頭可辟惡氣

百年秋已半九

日意兼悲江水清源曲荆門此路疑

舊注九域志江陵府龍山

上有落帽臺其地在荆門東此路疑疑與龍山景物相若也

晚來

一作高興盡

搖蕩菊花期

殷仲文九井詩獨有清秋日能使高興盡

贈獻納使

一本無使字

起居田舍人澄

唐書垂拱二年

置匱以受四方之書以諫議大夫補匱拾遺一人充使知匱事天寶九載三月玄宗

以匱聲近鬼改爲獻納使至德二年復舊每仗下議政事起居郎一人執筆記錄

於前史官隨之後復置起居舍人分侍左右秉筆隨丞相上殿

舍人知匱事獻納使其兼官耳舊注謂中書舍人知匱此制始寶應元年不當引也

獻納司存雨露邊

一作偏

地分清切任才賢

劉楨詩拘限清

舍人退食收封事宮女開函近

一作捧

御筵

後漢書冬

夏至凡能士書版言事封以皂囊

曉漏追趨作

青瑣闥晴窓點檢白雲篇

薛夢符曰漢武帝

秋風詞秋風起兮白雲飛點檢白雲篇如武帝賜淮南王書常召司馬相如等視草乃遣按新史云

起居舍人本紀言之職惟編詔書不及他揚雄更

有河東賦唯待吹噓送上天漢揚雄傳上陟西岳

虛思唐虞之風雄以為臨淵羨魚不如退而結網

還上河東賦以勸時公既獻三賦投延恩醜又欲

崔駙馬山亭宴集按玄宗女晉國公主下

嫁崔嵩此駙馬乃惠童也惠童京城東有山池

蕭史幽棲地林間踏鳳毛蕭史吹簫感 泆流何處

人亂石閉門高海賦泆流萬 客醉揮金碗詩成得

繡袍禮記執玉爵者弗揮注謂不可振去餘瀝恐

錦袍賜之詩先成者以 清秋多宴會賞樂 終日困香醪

送高三十五書記十五韻舊唐書高適字

揭汴州封丘尉非其好也乃去位客遊河

右河西節度使哥舒翰見而異之表為左

驍衛兵曹充翰府掌書記從翰入朝盛稱

崆峒小麥熟且一作 願休王師請公問主將焉用

窮荒為崆峒山注見前通鑑積石軍每歲麥熟吐

蕃輒來獲之邊人呼為吐蕃麥莊天寶六

載哥舒翰先伏兵於其側虜至斷其後夾擊之無

一人得返者自是不敢復來此詩崆峒小麥正指

其事也唐志崆峒山在岷州積石軍在廓州廓去

岷不遠按史天寶八載哥舒翰克吐蕃石堡城

上二部詩集

士卒死者數萬又遣兵於赤嶺西開屯田戍兵盡
沒此皆因麥莊一捷而黷武窮荒者公故追言成
之欲適以之告翰 饑鷹未飽肉側翅隨人飛高生
也此是送高本旨

跨鞍馬有似幽并兒 一作并 脫身簿尉中始與捶

楚辭 魏志陳登喻呂布曰登見曹公言待將軍譬

如養虎當飽其肉不則噬人公曰不如卿言

譬如養鷹饑則為用飽則颺去晉載記慕容垂猶

鷹也饑則附人飽則高飛曹植詩游俠兒

邵氏開見錄唐參軍簿尉有罪加撻謂如今之

胥吏鮑曰捶楚謂撻有罪者非身受杖之謂○饑

僚以下雖幸高之得脫薄尉亦惜其前此委身下

而意實 借問今何官觸熱向武威答云 一作一書

記所媿國士知人實不易知更須慎其儀 晉程曉

詩今世

襖載子觸熱到人家 舊唐書涼州屬河西道武

德二年置涼州總管府天寶元年改武威郡乾元

元年復為涼州一統志今屬陝西行都司 陶侃

傳諸叅佐當正其衣冠攝其威儀何有亂頭養望

自謂曠 十年出幕府自可持旌麾此行既特達足

以慰所思男兒功名遂亦在老大 唐佐 時常恨結

驩淺各在天一涯 音宜 又如參與商慘慘中腸悲驚

風吹 一作飄 鴻鵠不得相追隨黃塵翳沙漠念子何

當歸邊城有餘力早寄從軍詩

寄高三十五書記

歎息高生老新詩日又多美名人不及佳句法如

杜工部詩集 卷二

何舊唐書適年過五十始留意篇什數年之間體格漸變以氣質自高每吟一篇已為好事者傳誦

主將收才子崆峒足凱歌錢箋樂府詩集哥舒翰破吐蕃收黃河九

曲適由是聞君已朱紱且得慰蹉跎朱紱注見前

賜緋也按舊書玄宗幸蜀至成都除適諫議大夫賜緋魚袋則適為書記時尚未服緋也唐制賜緋

袍乃緋

贈高式顏錢箋高適有宋中送族姪式顏詩云惜君才未遇愛君才若此

世上五百年 吾家一千里

昔別是何處相逢皆老夫故人還寂寞削跡共艱

虞自失論文友空知賣酒壚遺懷詩昔與高李輩論文入酒壚今滴不

在故云然平生飛動意見爾不能無沈佺期祭李侍御

卿雲未言見式顏如見適也有悲喜交集意

與鄆縣源大少府宴羨陂得寒字唐書鄆縣屬京

兆府 說文羨陂周十四里北流入潯水長安志羨陂在鄆縣西五里源出終南山諸谷合朝公泉為陂錢箋通志

元末遊兵決水取魚陂涸為田

應為西陂好金錢罄一餐飯抄雲子白瓜嚼水精

寒漢武內傳太上之藥乃有風實雲子玉津金漿

有碎磔狀如米粒圓白云雲子碎雲母也今蜀中

飯之白耳抱朴子云服雲母十年雲氣常覆其上

韻藻引山稻名雲子河樞號雨師直以雲子為稻

七

名不知何本丸公指為 無計迴船下空愁避酒難

主人情爛熳持答翠琅玕四愁詩美人贈我青琅玕何以報之雙玉盤曹

植樂府腰佩翠琅玕

城西陂泛舟前詩云應為西陂好

青蛾一作皓齒在樓船橫笛短簫悲遠天宋南平王白紵

自信牙檣動遲日徐看錦纜牽古詩象牙作帆檣魚吹細浪搖歌

扇燕蹴飛花落舞筵不有小舟能盪槳百壺那送

酒如泉張翥詩有肉如

羨陂行

岑參兄弟皆好奇攜我遠來遊羨陂天地豔慘忽

異色波濤萬頃堆琉璃琉璃青色寶梁簡文帝詩雲開瑪瑙葉水淨琉璃波

琉璃汗漫泛舟入事殊興極憂思集鼉作鯨吞不

復知惡風白浪何嗟及吳都賦長鯨吞航主人錦帆相為

開舟子喜甚無氛埃是鷺散亂棹謳發絲管啁陟

切 狄空翠來陰鏗詩平湖錦帆張若頡解話鷺

聲也通 沈竿續蔓今本一作縵淡莫測菱山谷葉荷花

作朝

社工

淨如拭宛在中流渤解清下歸無極一云下臨無地終南

黑舊注沈竿續蔓戲潮水之淺半陂以南純浸山

動影裊窈冲融間船舷暝憂雲際寺水面月出藍

田關海賦冲融澆養長安志雲際山大安寺在鄠縣東南六十里隋仁壽元年置居賢捧日寺藍田關在藍田縣東南六十八里即秦曉關也後周明帝徙青泥故城側改曰青泥關武帝改曰藍田關隋大業元年徙復舊所此時驪龍亦吐

珠馮夷擊鼓羣龍趨湘妃漢女出歌舞金支翠旗

光有無莊子千金之珠必在九重之淵驪龍頷下能得珠者必遭其睡也山海經水夷人面乘兩龍注水夷馮夷也搜神記馮夷撞鄉隄首人以八月上庚日渡河處上帝著為河伯洛神賦

馮擊鼓女媧清歌列女傳馮擊鼓女媧清歌

於江湘之間俗謂之湘石列仙傳鄭交甫遊漢江見二女解珮與之洛神賦從南湘之二妃攜漢游之遊女漢志房中歌金支秀華照旄翠旌注樂

之秀華也庶旄翠旌謂析五采羽注翠旄之首而為旌

也咫尺但愁雷雨至蒼茫不曉神靈意少壯幾

時奈老何向來哀樂何其多九歌東風飄兮神靈

歡樂極兮哀情多少漢武帝秋風辭

始而天地變色風浪堪憂既而開霽放飛鸞騰

象窳終而仙靈冥接雷雨蒼茫只一遊陂時時

境迭變已如此况自少壯至老哀樂之感何可

勝窮此孔子所以歎逝水莊生所以悲藏舟也

陝西南臺

高臺面蒼陂六月風日冷蒹葭離披去天水相與

永懷新目似擊接要心已領莊子仲尼見溫伯雪子而不言子路問之

日夫人者日擊而道存矣仿像識鮫人空濛黃作辨魚艇錯磨

終南翠顛倒白閣影峭慈由峯增光輝乘陵惜俄

頃海賦故可仿像其色披神記南海有鮫人水居如魚不廢緝績時從水中出寄人家賣綃終

南注見一卷錢箋通志紫閣白閣黃閣三峰具在圭峰東紫閣旭日射之爛然而紫白閣陰森積

雪不融黃閣不知所謂三峰相去不甚遠按終南白閣皆臨沃陂即前詩所謂半陂以南純漫山

錯翠倒影互見耳西京賦崑峻勞生愧嚴鄭外

物慕張邴世復輕驪驪吾甘雜鼃漢書谷口有鄭子真

蜀有嚴君平皆脩身自保三輔決錄子真名漢石平名遵嵇康幽憤詩仰慕嚴鄭樂道閑居外物

以物為外也謝靈運還舊園作偶與張邴合久遠東山注張謂張良邴謂邴漢及曼容也漢書邴

邴邴漢以清行徵用兄子曼容亦養志自脩語龜龜之與同消爾雅在水者鼃注取鼃也似青

蛙大腹一知歸俗可忽取適一作事莫並身退豈

待官老來苦傻聲靜况資菱芡足庶結茅茨迴從

此具扁舟彌年逐清景曹植詩明月澄清景

此詩中間句多本謝康樂如懷新目似擊即謝懷新道轉迴也乘陵惜俄頃即謝恒充俄頃用

也外物慕張邴即謝偶與張邴合知歸俗可忽即謝適已物可忽也取適事莫並即萬事難並

歡也身退豈待官即謝辭滿豈多秩謝病不待年也老來苦便靜即謝拙疾相倚薄還得靜者

便也公云熟精文
選理豈欺我哉

九日寄岑參

通考岑參南陽人天寶三載進士解褐為右衛率府兵曹

參

出門復入門雨腳但如

仍一作

舊所向泥活活

音括

浩思君令人瘦

兩脚是方言齊民要術種麻截雨脚印種者地蒸麻生瘦詩注活活

木流

沈吟坐鹵

一作

軒飲食錯昏晝寸步曲江頭

難為一相就吁嗟乎

舊作呼下圖本定作乎

蒼生稼穡不可

救安得誅雲師疇能補天漏

詩吁嗟乎騶虞衡思玄賦雲師難以

交雜兮注雲師即雨師屏翳也列子女娲氏鍊五色石以補天梁益記雅州西北有大小漏天

大明鞞日月曠野號禽獸君子強逶迤小人困馳

驟維南有崇山恐與川浸漚

周禮注水流而趨海者曰川浸積而成漚

者曰是節

一作

東籬菊紛披為誰秀岑生多新詩

性亦嗜醇酎

直又反

采采黃金花何由滿衣袖

洞簫賦若

凱風紛披

左傳注酒之新熟重者為酎招魂注酎三重釀醇酒也張載酒賦中山夏啓醇酎秋發

左貴嬪菊頌春茂翠葉秋耀金花

承沈八丈東美除膳部員外郎阻雨未遂

馳賀奉寄此詩

唐書膳部屬禮部郎中員外各一人太平廣記

開唐沈東美為員外郎太子詹事任期之子按唐書任期以起居郎兼修文館直學

十一下詩集

士與公祖審言同事武后故詩中有舊史
通家等語而此東美為諸父又律體盛於
佳期故云詩律羣公問也舊注指沈既
濟之胄大謬既濟德宗時人唐書可考

今日西京掾多除南省郎原注府掾四
人同日拜郎通家惟沈

氏謁帝似馮唐按府掾謂京兆府掾如司錄功曹
倉曹戶曹兵曹法曹士曹之類唐

志並正七品諸郎中從五品員外郎從六品府掾
拜郎蓋自七品而升六品也錢箋杜氏通典時
謂尚書省為南省門下中書為北省陸游筆記唐

人以尚書省在大明宮之南故謂之南省曹植
詩謁帝承明廬漢書馮唐年九十餘

馮郎曰似馮唐蓋沈以晚年除郎也詩律羣公問

儒門舊史長清秋平聲寓直列宿頓輝光潘岳秋
興賦序

余以太尉掾兼虎賁中郎將寓直於散騎之省
後漢書郎官上應列宿出宰百里漢天文志掖門

丙五星五帝坐後聚十五星曰哀鳥郎位也
義郎位十五星在太微中帝坐東北杜佑曰

皆以郎官上應列宿為尚書郎故事按天
賁郎位等星皆在太微帝座後為翊衛之

楊秉所言三署郎是也世人謂之尚書郎
其失蓋自梁陶藻職官要錄以漢三署郎

為尚書郎循名失寔疑誤未暇申安吳作
後代按玉海亦同杜佑說

空激揚司存何所比膳部默悽傷原注甫大
昔任此官貧

賤人事略經過霖潦妨禮同諸父長恩豈布衣忘

天路牽馱躓雲臺引棟梁徒懷貢公喜颯颯鬢毛

蒼枚乘詩天路杳無期淮南子注臺高
際於雲故曰雲臺貢公喜注見首卷

苦雨奉寄隴西公兼呈王徵士原注隴西
公即漢中

王瑒徵士瑯琊王微○舊唐書瑒讓皇帝第六子早有才望偉儀表初封隴西郡公天寶十五載從玄宗幸蜀至漢中因封漢中王高適集有送別王微詩

今秋乃淫雨仲月來寒風羣木水沓下萬家一作象

雲氣中所思礙行潦九里信不通悄悄素澹路迢

迢天漢東西征賦南有玄灞素澹長安志灞水在萬季縣東北流四十里入渭

詩星臨天漢東趙曰天漢乃渭橋之所黃圖渭水貫都以象天漢橫橋南渡以法牽牛是也

騰六尺馬一作駒背若孤征鴻劃見公一作君子面超

然權笑同周禮馬八尺以上為龍七尺以上為騊駼六尺為馬鴻孤則逐伴而飛急奮

飛既胡越局促傷樊籠一飯四五起憑軒心方窮

劉楨詩起坐失次第一日三四遷嘉蔬沒溷濁時菊碎榛叢鷹隼

亦屈猛鳥鳶何所蒙禮記稻曰嘉蔬按公國宮送菜詩并序皆以嘉蔬為菜

義可兼用張華鷦鷯賦蒼鷹鷺而受縲屈猛志以服養式瞻北鄰居取迴南

巷翁挂席釣川漲焉知清興終木華海賦揚候納挂帆席謝靈運詩

挂席拾海月

秋雨歎三首唐書天寶十三載秋大霖雨害稼六旬不止京城屋瓦頽

毀殆盡人多乏食帝憂之為罷陳希烈相韋見素此詩當在其時作

雨中百草秋爛死階下決明顏色鮮著葉滿似翠

羽蓋開花無數黃金錢圖經本草決明子夏初生苗葉似首蒼而大七月開

黃花結角其子作穗似青菘豆而鏡日華子一蓋

頭風明目說苑鄂君乘青翰之舟張翠羽一蓋

堂上書生空白頭臨風三嗅馨香泣詩籟兮

關風伏英華作長去雨一作東秋紛紛四海風其吹

八荒同一雲去馬來牛不復辨濁涇清渭何分

趙曰關珊之風沈伏之雨言風雨之不已也

靈運詩述職期關暑又張協苦雨詩塔下伏

用字皆出支選關風伏雨大抵是風過雨來

秋深時往往有之舊注引光風泛崇蘭既謬

以長雨為是如長物之長亦未安荆公本作使雨

當即伏字之訛耳 莊子秋水時至百川灌河雨

涘渚涯之間不辨牛馬 趙曰馬曰去牛曰來正左

傳風馬牛不相及之義蓋馬赴逆風牛赴順風

關中記渭水入渭合流 禾一作木 頭生耳黍

三百里清濁不相雜 禾詩詁定作禾 頭生耳黍

穗黑農夫田婦一作無消息城中斗米換一作黍

稠相許寧論兩相直朝野僉載 崔諺曰春雨甲子

赤地千里夏雨甲子乘船入

市秋雨甲子禾頭生耳生

長安布衣誰比數反鎖 衡門守環堵老夫不出長

蓬蒿稚子無憂走請作風雨雨聲颼颼催早寒胡

雁翅濕高飛難秋來未曾陳浩然見白日泥汗后

土何時乾九辨 皇天淫溢而秋本作者

奉贈太常張卿垧二十韻黃日舊書天寶

十三載三月張

止工部詩集卷二

均由憲部尚書貶建安太守還為大理卿
不言均嘗為太常卿也今詩乃是與均按
舊書均傳云九載遷刑部尚書自以才名
當為宰輔楊國忠用事罷陳希烈引韋見
素代之仍以均為大理卿均大失望均傳
云十三載盡逐張均兄弟出均為建安太
守均為盧溪司馬歲中召還再遷為太常
卿新書均還授大理卿均授太常卿與舊
書合通鑑亦云至德元載五月太常卿張
均薦號王巨有勇略此詩是贈均甚明舊
本都作贈均乃
刀筆之訛耳

方丈三韓外崑崙萬國西建標天地濶詣絕古今

迷氣得神仙迴恩承雨露低漢郊祀志自齊威宣
燕昭使人入海求蓬萊方丈瀛洲此三神山者其傳在渤海中干洲記
方丈洲在東海中央東西南北岸相去正等方丈

方五千里魏志東傳韓在帶方之南東西以海
為限南與倭接方可四千里有三種一日馬韓一
曰辰韓三日弁韓辰韓者古之辰國也馬韓在西
水經崑崙崑崙墟在西北去嵩高五萬里注外國圖
云從大晉國正西七萬里得崑崙之墟天台賦
赤城霞起而建標崑崙為天地濶絕之境古今共迷其處豈若禁掖
承恩者能迴得神仙之氣乎因均尚上有宅在禁
中故云然方丈崑崙乃假象為辭公嶽麓道林詩
方丈涉海費時節玄圃尋河知有無暮年且喜經
行近春日兼蒙暄暖扶與此詩起語正相類

軒冕羅天一作闕琳瑯識介珪均父說相玄宗
水經注白虎通曰
伶官詩必誦夔樂

典猶稽健筆凌鸚鵡銛音鋒瑩鸛鵒友于皆挺拔

公望各端倪

伶官二句言張為太常之事後漢書稱衡在黃祖座作鸚鵡賦筆不停

綴文不加點

爾雅注鵲鵲似鳧而小膏中瑩刀

劍後漢史弼傳陛下隆於友于不忍恩絕

虞駿傳孔愉有公才而無公望丁潭有公望而無

公才莊子終始反覆不知端倪注端緒也倪時也

通鑑均均兄弟及姚崇蕭嵩韋安石之子皆以

才望至大官上嘗曰吾命相當徧舉故相子弟耳

已而皆通籍踰青瑣亭衢照紫泥靈虬傳夕箭歸

不用

馬散霜蹄青瑣注別見紫泥注見一卷二句

言張供奉翰林掌綸翰之事陸倕新

漏刻銘靈虬承注陰靈吐喻制史司刻金徒抱箭

注靈虬刻漏之體以龍承之箭是刻漏浮水之物

曹植詩俯身散馬蹄二句

言其入直禁中向夕始歸也

能事聞重譯嘉謨時均自貶所召

及遠黎疴諧方一展班序更何躋還故有重譯遠

黎之句趙注此又美其為太常卿非是班序適

班爵之序更何躋言莫有躋其上者躋升也

越空顛躡遊梁竟慘悽謬知終畫虎微分是醯雞

適越以下皆自序馬援傳畫虎不成

反類狗也莊子注醯雞甕中蠅蠖也萍泛一作

無休日桃陰想舊蹊吹嘘人所羨騰躍事仍睽碧

海真難涉青雲不可梯李廣傳贊桃李不言下白

成蹊碧海注別見

靈運詩共登青雲梯注仙

者因雲而升故謂之雲梯顧淡慚鍛鍊才小辱提

攜檻束哀猿叫一作枝驚夜鵲棲幾時陪羽獵應

指釣璜溪淮南子置猿檻中非不巧捷無所肆其

能魏武樂府月明星稀鳥鵲南飛繞

樹三匝無枝可依揚雄傳雄上河東賦其年十

二月羽獵雄從因作羽獵賦以詠尚書大傳文

尚書大傳文

王至礪溪見呂望拜之答曰望鈞得玉璜刻曰姬受命呂佐檢十道志礪陽有鈞璜浦均必常薦公而不達故詩有吹噓提攜等句陪羽獵而指璜溪則終以汲引望之也

上韋左相二十韻

舊書職官志開元元年十二月改尚書左右僕

射為左右丞相天寶元年二月侍中改為左相中書令改為右相至德二載復舊元宗紀天寶十三載秋八月文部侍郎韋亮素為武部尚書同中書門下平章事代陳希烈黃曰見素天寶十五載從玄宗幸蜀至巴西詔兼左相封西國公此詩是三載初入相時投贈題或後來追書耳

鳳曆軒轅紀龍飛四十春八荒開壽域一氣轉洪

鈞左傳郊子曰我高祖少皞摯之立也鳳鳥適至故紀於鳥為鳥師而鳥名鳳鳥氏曆正也注少

皞黃帝子鳳鳥知天時故以各曆正之官史記誌黃帝居軒轅之丘因以為號時玄宗在位已四

十二年詩曰四十春蓋舉成霖雨思賢佐丹青憶

老樊作舊一作直非臣原注相公之先人遺應圖求駿馬

驚代得騏驎一作麒麟○錢箋天寶十三載秋霖

見此咎徵命楊國忠精求端士訪於竇華宋昊等

言見素方雅柔而易制上亦以經事相王府有舊

恩可之故云霖雨思賢佐非尋常使霖雨故事也

趙曰憶老臣非公自注後學不曉曰丹青則應

見於圖畫之間也按見素父奏開元中封彭城郡

公累官太原尹卒謚曰文曹植獻文帝馬表臣

於先帝世得大宛紫沙汰江河英華作湖濁調和鼎鼐

駢馬一匹形法應圖

新韋賢初相漢范叔已歸秦晉孫綽傳沙之汰之瓦礫在後按是時左

士二部詩集卷二

相陳希烈以太子太師罷政事故曰沙汰江河濁

漢韋賢傳本始三年代蔡義為丞相封扶陽侯

史記范雎字叔王稽載入秦昭王拜為客卿封

應侯錢箋見素雖為國忠引薦公深望其秉正

以去國忠故有范叔之喻蓋國忠以外寵擅國猶

穰侯之擅秦也今范叔已歸秦矣穰侯其可少避

乎蓋詭辭以勸之微意如此舊注以為喻見素父

奏仕隋歸唐奏以永淳二年釋褐未嘗仕隋舊注

此類 盛業今如此傳經固絕倫豫章淡出地滄

海濶無津 韋賢傳經法見一卷唐書見素子偶偶

皆位至給事中 似楓葉 冬夏青 北斗司喉舌東方領指 一作 紳持衡留藻

鑑聽履上星辰 後漢李固傳北斗為天之喉舌尚

書亦為陛下喉舌 紳大帶也 按顧命注司馬第四畢公領之康王

運於四時尚書出納王命 漢書注指紳插笏於

紳紳大帶也 尚書為相率百官故曰東方領指紳也 晉書太

康四年制曰藻鏡銓衡唐書天寶五載見素為吏

部侍郎銓敘平允人土稱之 漢鄭崇傳哀帝時

為尚書僕射每見曳屣 獨步才超古餘波德照

上笑曰我識鄭尚書履聲

鄰一云餘陰 聰明過管輅尺牘倒陳遵 魏志管輅

辰能明大文地理變元之數人號神童錢箋唐書

肅宗改元至德十月丙申有星犯昴見素言於肅

宗曰昴者胡也祿山將死矣帝曰日月可知乎見

素曰福應在德禍應在刑昴金忌火行當火位昴

之昏中乃其時也明年正月丙寅祿山其燼乎帝

曰賊何等死見素曰五行子者視妻所生昴犯以

丙申金木之妃也木火之母也丙火為金子申亦

金也二金本同木異是以相尅賊始為子與首亂

者史相屠戮乎已而皆驗 漢陳遵傳遵善書 豈

與人尺牘主者藏弄以為榮 倒即傾倒之倒 豈

士工部言集 卷二 三

是池中物由來席上珍廟堂知至理風俗盡還淳

才傑俱登用愚蒙但隱淪吳周瑜傳蛟龍得雲雨終非池中物也

待聘隱淪公自謂長卿多病久子夏索居頻禮儒作

回首驅流俗生涯似衆人巫咸不可問鄒魯莫

容身西京雜記相如素有消渴疾檀弓子夏曰

吾離羣而索居久矣初學記世本日巫咸

晚蒼茫興有神爲公英華歌此曲涕淚在衣巾沈約

詩寧假濯衣巾說文中巾佩中也

夜聽許十一

作許十損誦詩愛而有作

許生五臺賓業白出之壁余亦師粲可身猶縛禪

寂御覽水經注五臺山五巒巍然故謂之五臺此山名爲紫府仙人居之其北臺之山即文殊師

利常鎮毒龍之所華嚴經疏清涼山即代州鴈門

郡五臺山也五峰聳出頂無林木有如壘土之臺

故名寰宇記在代州五臺縣東北一百四里寶

積經若純黑業得純黑報若純白業得純白報翻

善四禪四定此屬於善名爲白業也續高僧傳曇

鸞或爲鸞鴈門人家近五臺山年未志學便往出

寺今號鸞公岩錢箋詩曰賓則暫住也日出則出

遊得非許生遊歷亦有如鸞之少住臺山後移石

壁者歟舊唐書達摩傳慧可慧可嘗斷其左臂

以求法慧可傳璨璨傳道信道信傳弘忍維摩

又曰一心禪寂攝諸亂意何階子方便謬引爲

匹敵離索晚相逢包蒙欣有擊易九二包蒙上九擊蒙誦詩

渾一作混遊衍四座皆俱作辟易應手看捶鈎清心

聽鳴鏑莊子大馬之捶鈎者年八十矣而不失豪芒或云

江東三魏之間人皆謂鍛為精微穿溟滓又音幸

飛動摧霹靂陶謝不汶梧風騷共推激莊子大同

象注與物無際司馬云自然氣也項籍紫鷲傳莫敢技梧瓚曰小任為枝邪柱為梧作

鸞杜田云歐陽公家目超詣翠駿伯各誰剪剔君

意人莫知人間夜寥西京雜記文帝自代來有良馬九匹其一曰紫燕騮

唐六典昭陵六馬贊紫鷲超躍趙曰鳳五色多紫者曰鸞鸞為公北征詩大吳及紫鳳顛倒在桓褐紫

鸞即紫鳳也夔府味懷詩亦云紫鸞無近遠海經中曲之山有獸焉其狀如馬白身黑尾一虎爪牙音如鼓其名曰駘食豹可以禦兵莊子我善治馬燒之剔之司馬云剔謂剪其毛蕭子範

直坊賦何坊境之寥開對長庭之蕪永

戲簡鄭廣文虔兼呈蘇司業源明唐書

為東平太守建議廢濟陽郡以縣隸東平名為國子司業按舊書玄宗紀天寶十三

載六月廢濟陽郡明召入當在其時

廣文到官舍繫一作置馬堂階下劉琨扶風歌醉則

一作騎馬歸頗遭官長罵才名三諸本同英華作

十年坐客寒無氈晉書吳隱之為太常以賴一作

竹蓬為屏風坐無氈席

近有蘇司業時時與一作乞酒錢朱買臣傳吏卒更乞勾之師古

日乞讀氣與也廣韻乞與人也

夏日李公一云李家令見訪

遠林暑氣薄公子過我遊貧居類村塢僻近城南

樓城南長安城南公居在焉所謂城南韋杜也傍舍頗淳朴所願樊陳並作

須亦易求隔屋喚西家借問有酒不妨鳩切牆頭過

濁醪展席俯長流趙曰杜陵之樊鄉有樊川而濁水則自樊川西北流經下村城

詩云展席俯長流豈其居當此地耶清風左右至客意已驚秋巢多

衆鳥翻一作葉密鳴蟬稠苦遭此物聒孰謂陳作語

吾廬幽水花晚色靜樊作淨庶足充淹留古今注芙蓉名荷華

一名水花預恐樽中盡夏起為君謀

天育驃騎英華作圖歌舊注天育廐名按新舊史唐六典會要諸書並

無廐名天育者當更考

吾聞天子之馬走千里今之畫圖無乃是是何意

態雄且傑駿趙作驥尾蕭梢朔風起穆天子傳天子之馬走千里勝

猛獸毛為綠縹普沼切英華作驃兩耳黃眼有紫焰雙瞳方

矯矯一作矯然龍性合英華同一作合蔡云東坡書作含變化卓立天

骨森開張說文縹青白色穆天子傳注魏時鮮卑獻千里馬白色兩耳黃名曰黃耳相

馬經眼欲得高，匪欲得端，光睛欲得如懸鈴，紫焰

能馴。雙瞳夾鏡，兩離協月。五君詠龍性，誰

景順監牧攻。英華作考牧，一作考牧。駒閱清峻，遂令

大奴守。英華同一作字，胡天育別養，驥子憐神駿。

一作俊。○張說隴右監牧頌德碑序：開元元年，牧

馬二十四萬匹，十三年乃有四十三萬匹。上顧謂

太僕少卿兼秦州都督監牧都副使張景順曰：吾

力之有因，具上其狀，帝嘉焉。唐六典：諸牧監

掌羣牧等課之事。周禮：官更人掌教駉攻駒。注

攻駒，乘其蹄齧者，鬪之一歲曰駒，三歲曰駉，鬪清

峻言簡鬪，惟取清峻，惡凡馬之多肉也。漢昌邑

王傳：使人奴以衣車載女子。注：大奴，奴之尤長大

者也。胡震亨曰：大奴，張景順之牧馬奴耳。趙注指

王毛仲，毛仲父坐事，雖管沒為官奴，然是時正以

霍國公領內外閑廐，景順乃其屬也。豈得稱為大

奴，令之守天育乎？杜詩：博議郊昂馬坊頌，碑云：唐

初得馬於赤岸澤，令張萬歲傍隴右馴字之作字。

天育亦通，但與下養驥子語複。梁元帝答齊國

驥馬書：價匹龍媒，聲齊驥子。世說：支遁好養馬，或

問之曰：貧道重其神駿。當時四十萬匹馬，張公歎其材盡下

故獨寫真傳，世人見之，座右久愛新。寫真寫此

多物化空形，影鳴呼健步，無由騁如今，豈無腰

切。襄奴了與驪驪時無王良伯樂死，卽休。莊子：其

化應劭曰：赤象黑身，一日行萬里，穆天子傳：左服驪

華而赤，今名馬驃赤者為棗驃。

士工部詩集

卷二

沙苑行

水經注洛水東經沙阜北俗名沙苑唐六典沙苑監掌牧隴右諸牧

牛馬元和郡縣志沙苑在同州馬翊縣南

十二里東西八十里南北三十里其處宜

六畜置沙苑監寰宇記沙苑

古城在朝邑縣南十七里

君不見左輔白沙如白水

一作白如水

繚以周牆百餘

里龍媒昔是渥注生汗血今稱獻於此

漢書京兆尹左馮翊

右扶風謂之左輔同州漢屬馮翊故曰左輔寰宇

記同州白水縣其境東南谷多白土西都賦西

郊則有上陌禁苑繚以周牆四百餘里漢禮樂

志天馬徠龍之媒武帝紀元鼎四年秋馬生渥注

水中作寶鼎天馬之歌汗血注見一卷

苑中駉牝三千匹豐草青青

寒不死食之豪健西域無每歲攻

一作收 王有虎臣司苑門入門天廐

皆雲屯驕驕一骨獨當御春秋二時歸

西都賦控飛廉入苑門劉表傳雲屯冀馬左

傳唐成公如楚有兩肅霜馬疏馬融說肅霜雁也

其羽如練高首而脩頸馬似之唐書尚乘局掌

內外閑廐之馬總十二閑凡外牧歲進良馬印以

三花飛鳳之字 至尊內外馬盈億

鮑作內外馬數將盈億 伏櫪在坰

空大存逸羣絕足信殊傑

漢禮樂志志制儻精權奇趙曰言櫪中 儻權奇難具論

坰外其數空存不如此苑馬之神駿也 纍纍埴

都回切 阜藏奔突往往坡陀縱超越角壯翻同

錢箋相如京二世賦登坡陀之長坂匡謬正俗 麋鹿遊浮深簸蕩鼃鼃窟

坡陀者猶言靡迤耳（豬白馬賦分馳迴場角泉壯永埒浮深言馬浴水中海賦戲廣浮淡吳作海或云當是淵字唐諱淵故作泉）出巨魚長比人丹砂作尾黃

金鱗豈知異物同精氣雖未成龍亦有神（留花門臨清涓泉香草豐潔言此馬浮淡之時有丹尾金鱗之巨魚出見蓋其物雖未成龍而精氣則能相感所以淡美驢驢之為龍媒也）

驄馬行（原注太常梁卿救賜馬也李邕公愛而有之命甫製詩）

鄧公馬癖人共知初得花驄大宛種（晉書王濟解解常稱濟有馬癖）

皆竦雄姿逸態何齊翠顧影騎嘶自矜寵隅目青

熒夾鏡懸肉鬣（善作駿刑）礙（鳥罪）礙（力罪）連錢動

也（西京賦猛殺鬃鬚隅目高匡薛綜曰隅目角眼視也相馬經曰欲得高匡西都賦琳珉青瑩薄古曰青瑩言其色青而有光瑩也夾鏡注見前）

麟臆（杜田補遺東坡云予在岐下見秦州進一馬驥如牛項下垂胡側立傾倒毛生肉鬃蕃人云此肉驥馬也乃知驥馬行肉驥礙礙當作驥爾雅青驥驥曰驥注色有淺淺斑駁如魚鱗今連錢驄也）

朝來少（一作）試華軒下未覺千金滿高價赤汗微

生白雪毛銀鞍却覆香羅帕（韓子馬似鹿者直千金西域傳武帝遣使取一作能取一作）

之有天廐真龍此其亞晝洗須騰涇渭淡夕（一作）趨

持千金請大宛善馬（周弘正詩銀鞍耀紫韁）卿家舊賜公取之

杜工部詩集卷二

可刷幽并夜

赭白馬賦且刷幽燕晝秣荆越張說隴右監牧頌朝刷閭風夕洗天泉

吾聞良驥老始成此馬數年人更驚豈有四蹄疾

於鳥不與八駿俱先鳴

穆天子傳八駿曰赤驥盜驪白義踰輪山子渠黃驊

時俗造次那得致雲霧晦冥方降精近聞下

詔喧都邑肯使

一作驥驎地上行春秋考異記地知有

數十二故馬十二月而生雲霧晦冥龍馬降生時也戰國策世無驥驎驎驎王之駟已備矣鮑彪注字書不載驥驎惟玉篇云馬黑脊亦不言良馬陸璣疏驥驎行中律呂則此馬以驥驎比也爾雅翼驥驎善走故良馬亦名為驥驎言時方下求馬之詔此馬必當騰躍天衢始以况李鄧公也

魏將軍歌

按此詩言魏將軍先立功西陲後統軍宿衛絕不及喪亂事

蓋蘇山未見時作也草堂李補天寶末年今從之

將軍昔苦戰事衫鐵馬馳突重兩銜被堅執銳略

西極崑崙片窟

什威嚴說文銜馬銜勒也戰國策吾披堅執銳

注堅甲銳兵也

錢箋郭璞崑崙贊崑崙月精水之靈府長楊賦西歷月窟注服虔曰窟音窟月所出也上林賦嶄巖參差吳子良曰崑崙月窟在西

而云東嶄巖者言魏將軍略地至西方之極回顧

崑崙月窟

君門羽林萬猛士惡若哮

孝平虎子所聲

監五年起家列霜戟一日過河收風帆

越絕書吳王許句踐

行成子胥大怒日昔我光聲若哮虎

唐制官至

平生流輩盡蠶蠶長安少年氣欲盡魏侯

蓋過青

通海收帆承上略西極言之

海也

上二部詩集

骨聳精爽緊華嶽峰尖見秋隼星纏寶校

當作絞

金盤陀夜騎天駟超天河挽槍熒惑不敢動

韃雲旂

所交切

相蕩摩

錢箋呂祖謙曰星纏寶校金盤陀蓋馬裝也緒白馬賦

具版金組兼飾丹腹寶鉸星纏鏤章霞布注以

華轅金鏤鏤錫方鉞左蘇鈞磨玉瓊蔡邕曰金鏤

者馬冠也高廣各五寸上如玉華形在馬髦前鏤

飾也當懸刻金為之詩鈞磨鏤錫所謂寶校此

具也第尊卑之制殊耳杜詩博議舊法引鮑

詩金銅飾蓋陀日照光蹀躞而未詳其義按唐書

金寶志云先是諸鑪鑪錢家薄鏤破錢及佛像謂

盤陀皆鑄為私鑪在錢外此與金盤陀

相合蓋雕飾鑪以銅雜金為之蓋盤陀

之麗而鏤破錢及佛像者反二蓋相和亦

盤陀也史人書漢中四

日王良漢天文志房為天府曰天駟其陰右駟

攬槍妖星熒惑火星和如子虛賦錯翡翠之

韃注葳蕤羽毛貌東都賦望翠華之葳蕤西京賦

棲鳴鳶曳雲旂注雲旂謂旌旗之旒飛如雲也相

蕩摩舒吾為子起歌都護酒闌插劍肝膽露鈞陳

閒貌

蒼蒼玄武暮

舊作風玄武荆公改作玄武暮○古

樂志丁都護歌者彭城內史徐達之為魯執所殺

高祖使督護丁昨收殯之達之妻高祖長女也呼

昨至閣下自問斂送之事每問輒呼丁都護其聲

哀切後人因廣其曲焉錢箋唐書丁督護晉宋間

曲也今歌是宋武帝製云督護北征去前鋒無不

平晉書鈞陳六星在紫宮中鈞陳後宮也大帝

之正妃也大帝之帝居也漢書音義鈞陳紫宮外

營星也宮衛之位亦象之漢書北宮玄武虛危其

南有眾星曰羽林天軍軍西為壘趙曰玄武闕名

三輔舊事曰未央宮北有玄武闕舊本誤以武字

十一部詩集

卷二

巽

為韻云風玄武極無義理徒誤學者以鈞陳萬歲

千秋奉明主臨江節士安足數

漢藝文志有臨江王及愁思節士歌

詩四篇宋陸厥臨江王節士歌曰節士慷慨髮上衝冠彎弓挂若木長劔疎雲端按漢書景帝廢太子為臨江王後坐侵廟端為宮徵入自殺時人悲之故為作歌愁思節士無考本是二人累言之故日及也陸韓卿所作乃合為臨江王節士其誤與中山孺子妾歌同哀江南賦臨江王有愁思之歌又因此而誤太白擬作亦相沿未改

杜工部詩集卷之二終

杜工部詩集卷之三目錄

松陵 朱鶴齡 輯註

萊陽 宋 琬

太倉 陸世儀 參定

贈田九判官梁丘 送蔡希魯都尉還隴右

因寄高三十五書記 故武衛將軍挽詞三

首 去矣行 官定後戲贈 奉同郭給事

湯東靈湫作 九日楊奉先會白水崔明府

白水明府舅宅喜雨得過字 橋陵詩三

十韻因呈縣內諸官 自京赴奉先縣詠懷

五百字 奉先劉少府新畫山水障歌 白

水崔少府十九翁高齋三十韻 三川觀水

漲二十韻 悲陳陶 悲青坂 對雪 月

夜 蘇端薛復筵簡薛華醉歌 元日寄韋

氏妹 春望 得舍弟消息二首 憶幼子

一百五日夜對月 遣興 塞蘆子 哀

江頭 哀王孫 大雲寺贊公房四首 雨

過蘇端 喜晴 晦日尋崔戢李封 送率

府程錄事還鄉 鄭駙馬池臺喜遇鄭廣文

同飲 喜達行在所三首 述懷 得家書

送長孫九侍御赴武威判官 送樊二十

三侍御赴漢中判官 送從弟亞赴河西判

官 送韋十六評事充同谷防禦判官 奉

送郭中丞兼太僕卿充隴右節度使三十韻

杜工部詩集卷之三目錄終

杜工部詩集卷之三目錄

二

杜工部詩集卷之三

松陵 朱鶴齡 輯註

天寶至德間公居京師授率府參軍及陷賊中
間歸鳳翔官左拾遺作

贈田九判官梁丘 舊唐書哥舒翰討祿山

充行軍司馬軍政皆委焉于邵田司馬梁丘傳司馬京兆茂陵人哥舒翰兼統五原雅知其才得之甚喜表清勝府別將改永平府果毅長松府折衝潼關失守詔御史中丞郭英又專制隴右未及下車表渭州隴西縣令

崆峒使節上青霄河隴降王款聖朝 唐書哥舒翰傳天寶十二

載秋翰領河西節度擊吐蕃悉收九曲部落王恩
禮傳十三載吐谷渾蘇毗王款塞詔翰至磨環川
應接之通鑑十四載正月蘇毗王子宛切于爰馬總
悉譯邏去吐蕃來降以為懷義王

肥春或作秦首宿將軍只數漢一作霍嫖姚漢書大宛馬嗜首宿

上遣使者持千金請宛陳留阮瑀誰爭長京兆田

郎早見招魏志陳留阮瑀字元瑜太祖辟為軍謀儀端正入奏事靈帝目送之因題柱曰堂堂麾下

平張京兆田郎早見招言梁丘入幕之早

賴君才並美他本並獨能無意向漁樵

送蔡希魯一作曾都尉還隴右因寄高三十

五書記原注時哥舒入秦勒蔡子先歸○舊唐書諸府折衝都尉各一人左

右果毅都尉各一人每歲季冬折衝都尉率五校之屬以教其軍陣戰鬪之法按

史天寶十四載春哥舒翰入朝道得風疾遂留京師故蔡都尉先歸而公送之夢獨謂十一載冬隨翰來朝明年春至京師誤也是時高尚未為書記

蔡子勇成癖彎弓西射健兒寧鬪死壯士

恥為儒官是先鋒得材緣挑徒了戰須身輕一鳥

過槍急萬人呼漢書注挑戰擣燒敵求戰也張

槍急謂用槍之急呼驚呼也雲幕隨開府春城赴一作上都馬

頭金匱加答切匣馳背錦模糊韻會匣匣周繞貌

匣匣組帳舒金匱匣言金絡馬頭其狀密匣也

錦模糊言馳背負物以錦帕蒙之唐書哥舒翰在

隴右每遣使入奏常乘白橐駝日馳五百里趙曰：「匪匪模糊皆方言。」咫尺雪一作雲非

山路歸飛青一作西海隅上公猶荆作寵錫突將且

前驅錢箋云：郡國志：雪山在瓜州。晉昌縣南六十里。積雪夏不消。南連吐谷渾。界寰宇記：姑臧南山一名雪山。冬夏積雪屬武威郡。又番和縣南山一名天山。亦名雪山。山澗千餘里。其高稱是。上公謂翰。猶寵錫言待朝廷有所錫命也。突將謂希魯。且前驅言先歸隴右也。漢水一作

使隴西記：諸州溪秋採白麥釀酒。陳藏器本草：小麥秋種夏熟。爰四時氣足麩熱。楚冷河渭以西白麥麩涼。以其春種闕二時之氣。故也。好在乃存。闕之詞通鑑高力士宣上皇詔曰：諸將士各好在。與此同。胡三省注：好在猶言好生。非是。阮元瑜注：見前。以比高適。

黃河遠涼州白麥枯因君問消息好在阮元瑜

故武衛將軍挽詞三首唐書：左右武衛大將軍各一員。將軍各一員。統領各二員。掌統領宮禁警衛之法。

嚴警當寒夜前軍落大星晉陽秋：有星赤而芒角。自東北往西南投於諸

葛亮營俄壯夫思敢決哀詔惜精靈干者今無戰

書生已勒銘鍾會檄蜀文：王者之師有征無戰。班固勒銘事注別見。封侯意

疎濶編簡為誰青後漢吳祐傳：殺青簡寫書。注：殺青以火炙簡令汗取其青。易書

復不蠹封侯之志雖不得遂。然編簡不為之青而為誰青乎。許其功名之必垂於簡策也。

舞劍過人絕鳴弓射獸能銛鋒行慳順猛噬失躄

丘妖騰行慳順言無不如意者。赤羽千夫膳黃河十月米家語

士工部詩集卷三

子路曰願得白羽若月赤羽若日羽旌旗也橫行沙漠外神速至今稱

赤羽四句紀行師沙漠之事也赤羽之下會膳千夫見以孤軍轉鬪又值黃河十月塞外苦寒水堅難渡之時當此而能橫行沙漠之外其神速誠可稱矣舊解都謬

哀挽青門去新阡絳水遙青門注別見西北流注

於滄應劭曰絳水出絳縣西南路人紛雨泣天意颯風颯曹植詩

息雨泣交頤爾雅風從下上曰颯說文扶搖風也部曲精仍銳初奴氣不

驕無由視雄略大樹日蕭蕭

去矣行按此與貧交行白絲行皆不知何因而作舊注穿鑿今悉削之

君不見鞬上鷹一飽即飛掣焉能作室上燕銜泥

附炎熱淳于髡傳注鞬臂捍也方朔傳董君絲

鮑照詩昔如鞬上鞬形如鞬野人曠蕩無鞬以縛左右手顏豈可久在王

侯間未試囊中餐玉法明朝且藍田山海賦神

乃探訪藍田掘得若環璧雜器古人餐玉之法大小百餘皆光

出縣本秦孝公置山出美玉故名長安志藍田山

覆車山其山產玉亦名玉山

官定後戲贈原注時免河西尉為右衛率

進西嶽賦表尚云長安一匹夫則其時未

得官改衛率府參軍乃在十四載夔府詠

不作河西尉淒涼為折腰老夫怕趨走率府且逍
遙耽酒須微祿狂歌託聖朝故山歸興盡回首向
風廳

奉同郭給事湯東靈湫作

湯東驪山溫湯之東湫龍所居

此詩梁權道編天寶十四載蓋公往奉先時作

東山氣濛濛

一作濛濛

宮殿居上頭君來必十月樹羽

臨九州

東山驪山也述征記長安東則驪山西則白虎原寰宇記驪山在臨潼縣東南二里

即藍田山也溫湯在山下淮南子未有天地之時濛濛瀕洞莫知其門古樂府東方千餘騎大婿居上頭唐書有宮在驪山貞觀十八年置咸亨二年始名溫泉宮天寶六載更溫泉曰華清宮治湯

九為池環山外宮室長安志開元後玄宗每歲十月幸溫湯歲盡而歸雜錄驪山溫泉秦漢隋唐皆常遊幸惟玄宗特侈宮殿包裹一山而繚牆周徧其外江淹登紀南城詩君王淡以思樹羽望楚城舊注樹羽立羽葆蓋也

陰火煮玉泉噴薄張巖幽有時浴赤

日光抱空中樓

海賦陽水不冷陰火潛然博物志凡水源有硫黃其泉則溫

經日拂於扶桑出於陽谷浴於咸池

長安志驪山有觀風樓羯鼓樓

曠原

一作野

延冥搜沸

正異作拂

天萬乘動觀水百

文湫

十洲記崑崙三角其一角正北名曰闕風顛其一角正西名曰玄圃堂其一角正東名曰崑崙宮崑崙仙翁傳崑崙山一日玄圃一日積石瑤房一日闕風臺一日華蓋天柱

穆天子傳六師之人畢至於曠原又曰自西王母之邦北至於曠原之野飛鳥之所解羽千九百里

東都賦旌旗

拂天蕪城賦歌吹沸天錢箋長安志冷水一日

零水在臨潼縣東三十五里亦曰百丈水趙曰水

經注洽水南出浮岬山幽靈一作斯一作可怪一作

浮岬山乃驪山之麓也靈斯一作可怪一作

宅改移因風雨秋穆天子傳犬戎天子於當水

命王屬休注令王之徒屬休息倒懸瑤池影屈注

也易大壯九三小人用壯倒懸瑤池影屈注

滄一作江流味如甘露漿揮弄滑且柔天台賦序

重溟倒影瑤池言日照驪山影翠旗淡偃蹇雲車

薰靈湫也江賦揮弄灑珠鳥明芥浮鮫一作人

紛少聞簫鼓蕩四溟異香泱鳥明芥浮鮫一作人

獻微綃音曾祝沈豪牛百祥奔盛明古先莫能儔

楚詞靈偃蹇兮放服七發旌旗偃蹇張協詩雨

足灑四溟上林賦過乎泱莽之野注泱莽大貌

任昉述異記鮫人即泉井也又名泉客南海出

鮫綃紗泉先潛織一名龍紗其價百餘金以為服

入水不濡說文綃生稱繒也穆天子傳天子大

朝於燕朕之山奉璧附面曾祝佐之祝沈牛馬豕

羊注曾猶重也傳曰官臣偃又曰文山之人歸遺

乃獻良馬十駟天子與之豪馬豪牛危狗豪羊以

三十祭文山注豪猶此也言玄宗致祭坡陀金

靈湫其儀衛音樂香幣祝史之盛如此坡陀金

蝦蟆出見蓋有由至尊顧之笑王母不肯遣一作收

復歸虛無底化作長黃蚪一云龍與虬坡陀注

蟾蜍或作詹諸淮南子月照天下食於詹諸蔡曰

酉陽雜俎云長慶中有人見月光屬於林中如正

布尋跡之見一金背蠅蓋疑自月中者夫月為陰

精后妃之象祿山約楊妃為子母通宵禁掖暱狎

士江郊詩集卷三

六

嬪嬙方諸蝦蟇食月詩人之託諭微矣錢箋唐

人多以王母比貴妃劉禹錫詩仙心從此在瑤池

三清入景相追隨王建詩武皇自送西王母新換

霓裳月色裾公詩亦云惜哉瑤池飲又日落日雷

王母也說文蚪龍子無角玉篇蚪無角龍也俗

作蚪安祿山事迹玄宗嘗夜宴祿山醉臥化

為一猪而龍頭左右遠言之飄飄一作青瑣郎文

玄宗曰渠猪龍耳無能為也飄飄一作青瑣郎文

采珊瑚鈎浩歌淥水曲清絕聽者愁漢書注青瑣

以青塗之漢舊儀給事黃門侍郎每日暮向青瑣

門拜謂之夕郎宮闕簿青瑣門在南宮蕭詮詩

珠簾半上珊瑚鈎淮南子

手會淥水之趨淥水古曲名

此詩直陳溫湯事而風刺自見來必十月譏其

遊之非時也溫泉浴日譏其遊之不度也閩風

曠原比以周穆崑崙譏其荒也拂天萬乘以下

紀湫龍之幽靈湫水之深潔與祀禮之殷盛輝

煌譏其越禮而好怪也金蝦蟇陰類主兵象維

種為陰女戎為陰玄宗屢賜祿山湯浴時將反

范陽故湫中應之新書五行志載僖宗時童謠

曰金色蝦蟇爭奪眼翻卻曹州天下反此其証

也王母與至尊並舉明是貴妃貴妃從幸溫泉

上以湫水比瑤池則此稱王母尤當也顧之笑

明言以刺之不肯收反言以譏之不欲指斥宮

中之事故微其辭如此也虛無底即湫水也歸

虛無而化黃風則言祿山之勢已成猶猪龍而

借擬真龍也共憂亂之意情見乎詞當與慈恩

寺回首叫虞舜數語及奉先咏懷凌晨過驪山

一段參看○而鴻日按五行志神龍中渭水有

蝦蟇大如鼎聖人聚觀數日而失此韋后時事

坡陀金蝦蟇蓋其類也祿山濁亂宮闈故有此

應可與翟泉鴨出同類並觀故曰出見蓋有由

竊之奔月是為蟾蜍至尊二句意謂祿山醜類

玄宗寵顧獨深殊不可解譬如蟾蜍雖竊王母

之藥得托身於月王母其肯收之乎王母暗使
張衡語也長黃蜉固屬意猪龍狀別有旨考漏
刻之製上設虬龍吐水下設蝦蟇承瀉故陸機
漏刻賦云伏陰蟲以承波又陸倕銘云靈虬承
注陰蟲吐喻李翰曰陰蟲蝦蟇也杜意謂祿山
當如陰蟲伏處今一旦憑藉寵靈窺竊神器妄
自意為天矯飛入之物豈非蝦蟇而化黃虬上
下失位者乎蓋如終以蝦蟇事為此也太白詩
蟾蜍蝕圓影大夜已殘陰精此淪惑去夫不
足觀憂來其如何悽愴推心肝亦是此意又按
衛風燕婉之求得此蘧條韓詩作得此蟾蜍薛
君解曰戚施蟾蜍喻醜惡也詳觀李杜詩意蓋
不特醜詆祿山共刺
貴妃亦婉而切六

九日楊奉先會白水崔明府

奉先注見下唐書白水

縣屬同州

今日潘懷縣同時陸浚儀

音潘世傳岳樓遲十年出為河陽令轉懷令

陸雲傳雲以公府掾為太子舍人出補浚儀令

坐開桑落酒來把菊花枝

水經注河東郡民酃白墮采也河流醞成芳酎熟於桑落之辰故酒得其名矣陸倕信從蒲使君乞酒詩蒲城桑葉落正菊花開之時也落酒詩停盃待菊花蓋桑葉落正菊花開之時也

天宇清霜淨公堂宿霧披

陶潛詩昭昭天宇濶

晚酣留客舞

鳧鳥共差池

郭作參差

白水明府宅喜雨得過字

吾舅政如此古人誰復過碧山晴又濕白水雨偏
多精禱既不昧歡娛將謂何湯年旱頗甚今日醉

絃歌

橋陵詩二十韻因呈縣內諸官舊唐書開元四年十月葬睿宗於橋陵奉先縣本同州蒲城縣以管橋陵改屬京兆府仍改為奉先開元十七年制官員同赤縣新畫橋陵在奉先縣西北三十里豐山

先帝昔晏駕茲山朝百靈崇岡擁象設沃野開天

庭漢書宮車晏駕注天子初崩臣子之心猶謂宮車晚出招魂象設居室靜安開此注象法也言為君造設宰宇法象舊廬漢書

論功超五丁蜀都賦擿藻挾天庭厚地一作御略羅峻屏華陽國志蜀有五丁力上能移山舉一鈞每一王死輒為立大石長三丈

亦重下鈞為墓志古樂府却略再拜跪狀後持一云闕虛冉冉松風肅泠泠石門霜露白玉殿苒

苒亦苔青宮女晚一作知曙祠官一作朝見星空梁簇

畫戟陰并敲銅瓶廟宇深嚴故晚而後知曙庚丹詩銅瓶素絲纒中使

日夜繼一作日繼夜正惟王心不寧豈徒郵備享

尚謂求無形舊書玄宗紀天寶十載正月太廟置內官供灑掃諸陵廟禮記備物之孝理敦國政

神疑推道經瑞芝產廟柱好鳥鳴一作巖扁舊書

紀天寶十四載頒御注老子道德經并義疏於天

下杜詩博議舊唐書天寶七載二月大同殿柱

上杜詩博議舊唐書天寶七載二月大同殿柱

杜工部詩集卷三

產玉芝八載六月又產玉芝此

高岳前律琴洪

左澄

胡桐切 一作滌

金城蓄峻趾沙苑交迴江

謂華山洪河謂黃河也木經注河水又南經蒲城

東關駟曰蒲城在西北沿深水回旋貌錢箋

宇記秦孝公元年築長城簡公二年塹洛故云白

鄭濱洛今沙苑長城是也三秦記云在蒲城東五

十里秦築長城即是塹洛也賈誼云關中之固金

城千里愚謂指長城也舊注引京兆始平之金城

非是魏都賦藐藐標危亭亭峻

趾注趾基也沙苑注見二卷

永與與區固川原

紛眇冥居狀赤縣立臺榭爭召亭

西都賦防禦之

區焉赤縣見題下注

官屬果稱是聲華真

可聽王劉美竹潤裴李春蘭馨鄭氏才振古啖侯

筆不停

鸚鵡賦序 遺詞必中律利物常發

相展轉琳瑯愈青熒

文賦 夫其放言遺詞良多

側聞魯恭化秉德崔瑗銘太史

後漢書魯恭為中牟令專以

德化為理不任刑罰崔瑗

舉茂才為汲令作座右銘行於世王喬為葉令

入朝數帝命太史侯望言有雙鳧飛來乃舉羅張

之但得雙鳧詔上方診視則四年中所賜尚書官

屬履也列仙傳王子喬周靈王太子晉也七月

七日乘白鶴於緱氏山頭

朝儀限霄漢客思迴林

舉手謝時人數日而去

朝儀限霄漢客思迴林

朝儀限霄漢客思迴林

朝儀限霄漢客思迴林

朝儀限霄漢客思迴林

朝儀限霄漢客思迴林

朝儀限霄漢客思迴林

朝儀限霄漢客思迴林

朝儀限霄漢客思迴林

朝儀限霄漢客思迴林

朝儀限霄漢客思迴林

朝儀限霄漢客思迴林

朝儀限霄漢客思迴林

朝儀限霄漢客思迴林

朝儀限霄漢客思迴林

朝儀限霄漢客思迴林

朝儀限霄漢客思迴林

縣杜即此地也宣帝修杜之東原為陵曰杜陵縣
更名此為下杜城東有杜原城在底下故曰下杜

杜陵往奉先故渡此水也按涇在長安之北公自諸生舊短一作褐旅泛

一浮萍荒歲兒女瘦暮途涕泗零主人念老馬解

署一作容一作秋螢荒歲謂十三載秋霖關中大

老馬於道嚼朕嘆曰少盡其力老韓詩外傳田子方出見流寓理豈慙窮

愁醉不醒何當擺俗累浩蕩乘滄溟

自京赴奉先縣詠懷五百字

長安志奉先縣西南至京

北府二百四十里舊書玄宗紀天寶十

四載冬十月壬辰幸華清宮十一月丙寅

祿山反按公赴奉先玄宗時正在華清故

詩中言驪山事特詳又按十一月九日祿

山反書至長安玄宗猶未信故此言歡娛聚斂致亂在上夕而不及祿山反狀也

杜陵有布衣老大意轉拙許身一何愚樂作竊比

稷與契居狀成濩落白首甘一作契音濶莊子瓠

容注瓠戶郭反司馬云瓠布濩也蓋棺事則已此

志常覲豁窮年憂黎元歎息腸內熱取笑同學翁

浩歌彌激烈莊子其非無江海志蕭灑送日月

生逢堯舜一作君不忍便永訣當今廊廟具構厦

簞云缺葵藿傾太陽物性固莫一作奪潘尼詩廣

曹植表葵藿之傾葉太陽雖顧惟螻蟻輩但自

不為迴光朕終向之者誠也

求其穴胡為慕大鯨輒擬偃溟渤海賦其魚則橫海之鯨突兀孤

遊曼巖敷以茲悟庚溪詩說作悞生理獨恥事干謁兀兀

遂至今忍為塵埃沒終愧巢與由未能易其節沈

飲聊自遣一作適放歌頗愁絕五君詠韜精日沈飲歲暮百草

零疾風高岡裂天衢陰崢嶸客子中夜發霜嚴衣

帶斷指直不得一作能結凌晨過驪山御榻在嵒徒

切嶮音蚩尤塞寒空蹴踏崖谷滑瑤池氣鬱律羽

林相摩戛西京賦託喬基於山岡有嵒嵒以高居按霓黃魚列切集韻嶮亦作峴通作霓

韓非子黃帝合鬼神於太山之上駕象車六交龍畢方並轄蚩尤居前甘泉賦蚩尤之倫帶干將

東玉成駢羅列布魚鱗鳥斯隱麟鬱律江賦氣滃渤以霧沓時鬱律其如煙

唐兵志高宗龍朔二年始取府兵越騎步射置左右羽林軍大朝會則執仗以衛階陛行幸則夾馳

道為君臣一作聖君畱懽娛樂動殿音膠葛舊作膠葛荆公歐公

定為膠葛正賜浴皆長纓與宴非短一作短褐賦上林

異作鸛嶋樂乎膠葛之寓注膠葛廣大貌南都賦其山則崆峒嶋嶋注山石高峻貌

華清宮中置長湯數十賜從臣浴津陽門詩注宮內除供奉兩湯外更有湯十六所長湯每賜諸嬪

御其修廣與形庭所分帛本自寒女出鞭撻一作

其夫家聚斂貢城闕西都賦玉階形庭聖人筐篚恩實欲

願邦國活臣如忽至理君豈棄此物多士盈朝

廷仁者宜戰慄

通鑑注唐人稱天子皆曰聖人孫楚與孫皓書愛民活國道家所

尚○公見當時賜予之

盜故淡責諸臣以諷之沉闢內金盤盡在衛霍室

中堂有

吳作

神仙煙霧蒙

吳作

玉質

衛霍皆后戚以此國忠

江淹詩畫作秦王女乘鸞向煙霧

神仙玉質言貴妃及諸姨也煖客貂鼠裘悲

管逐清瑟勸客駝蹄羹霜橙壓香橘朱門酒肉臭

路有凍死骨榮枯咫尺異惆悵難再述

太平御覽王孫子厨

有臭肉尊有敗酒而三軍有饑色

北轅就涇渭官渡又改轍羣水

水

從西下極目高崒兀疑是崆峒來恐觸天柱

折

言渡即涇渭一水渡口長安志涇陽縣有涇水渡九正直西京之北涇渭諸水皆從隴西而

下故疑來自崆峒也地志涇水發源安定郡開頭山即崆峒山河梁幸未拆枝撐聲窸窣行李相攀援川

天柱絕地維

列子共工氏怒而觸不周之山折

廣不

一作

可越

窸窣聲不安也○祿山反書至帝雖未信一時人情惟擾議斷河橋

為奔竄地所以行李攀援而急

渡也觀河梁幸未拆句可見老妻寄荆作異縣

十口隔風雪誰能久不顧庶往共饑渴入門聞號

眺幼子饑

一作

已卒吾寧捨一哀里巷亦

猶一作嗚

咽所愧為人父無食致天折豈知秋禾

一作未正異定作禾

登貧窶有倉卒生常

陳作

免租稅名不隸征伐撫

跡猶

一作

酸辛平人固騷屑

劉向九歎風騷

屑以搖木兮

默思

失業徒一作途因念遠戍卒憂端齊一作終南頽

切洞徒總切不可撥淮南子鴻濛頽洞許慎注頽讀如項羽之項說文撥拾取也魏

武樂府明明如月何時可撥憂從中來不可斷絕○以失業遠戍為憂王與許稷契憂黎元等語相應

奉先劉少府新畫山水障歌英華題云新畫山水障歌

奉先尉劉單宅作劉奉先尉寫其邑之山水為障障屏障也

堂上不合生楓樹怪底江山一作起煙霧聞君掃

却赤縣圖乘輿遣畫滄洲趣謝眺詩復畫師亦無

數好手不可遇對此融心神知君重毫素豈但祗

畫與辭處筆風全有其名不見踪跡二十五人

下鄭虔善畫別見契丹六法頗該殊豐骨氣山東體製允屬斯人

彥遠名畫記隋楊契丹官至上儀同畫在閭立本

得非玄圃裂一作無乃瀟湘翻情事我大姥

下耳邊已足聞清猿穆天子傳乃為銘迹於玄圃

自陽海發源至零陵北而營水會之二水合流謂之瀟湘瀟者水清淡之名也吳越郡國志天姥

山與括蒼相連春月樵者聞簾鼓笳吹之聲聒耳寰宇記天姥山在剡縣南八十里反思前

夜風雨急乃一作是清城鬼神入元氣淋漓

障猶濕真宰上訴天應泣莊子若有真宰而不得其朕野亭

還雜花遠漁翁瞑踏孤舟立滄浪水

作滄浪之水清且澗 欹岸側島 英華作欹 秋

鼓瑟時至今斑竹臨江活 楚詞使

妃啼以淚揮 劉侯天機精愛畫入

郎揮灑亦莫比大兒聰明到能添老樹

兒心孔開貌 音 得山僧及童子若耶溪雲門寺吾

獨何為在泥滓青鞋布襪從此始 水經注若耶溪

谿谿下孤潭周數畝甚清溪吳越春秋注若耶溪

在會稽縣南二十五里水經注山陰縣南有下

笥竹林雲門天柱精舍畫泉石之好會稽志雲門

山在縣南三十里南史何胤以會稽多靈異往遊

焉居若耶山雲門寺

白水崔少府十九翁高齋三十韻

客從南縣來浩蕩無與適旅食白日長况當朱炎

赫 錢箋寰宇記蒲城縣本漢重泉縣地後魏分白

水縣置南白水縣以在白水之南為名廢帝三年

改為蒲城開元中改為奉先公從奉先來備其

舊名故曰南縣梁元帝纂要夏日朱夏炎夏

高齋坐林杪信宿遊衍聞清晨陪躋攀傲睨俯峭

壁崇岡相枕帶曠野 一作 咫尺始知賢主人贈

此遣愁寂危階根青冥曾水生漸瀝上有無心雲

下有欲落石泉聲聞復急 一作 動靜隨所激鳥呼

藏其身有似懼彈射吏隱識情性茲焉其窟宅歸去

來詞雲無心以出岫汝南先賢傳鄭欽吏隱於蟻陂之陽白水見舅氏諸翁

乃仙伯杖藜長松下作尉窮谷僻為我炊雕胡道

遙展良覲漢書梅福為南昌尉人傳以為仙崔是白水尉故以仙伯稱之大招設菰梁

只注菰梁蔣實謂雕胡也宋玉諷賦主人之女為臣炊雕胡之飯謝靈運詩引領冀良覲坐

久風頗怒一作愁晚來山夏碧相對十丈蛟歛翻盤

渦坼何得空裏雷殷殷尋地脉煙氛靄蒼翠颯颯

森慘戚海賦盤渦谷轉及濤山頽注渦水旋流也崑崙崆峒巔迴首如

一作知不隔前軒頽一作摧反焰巉絕華岳赤兵氣漲

林巒川光雜鋒鏑知是相公軍鐵馬雲一作煙霧積

唐書祿山反以哥舒翰為太子先鋒兵馬元帥明年正月進位尚書左僕射同中書門下平章事○

崑崙崆峒在白水西北華岳在白水東南時哥舒翰統兵二十萬守潼關潼關屬華州與白水近故

見兵氣之盛如此玉觴淡無味錫豈強敵長歌激屋梁

淚下流衽席東都賦列金罍珠玉觴唐書顏杲卿罵祿山曰汝本營州牧羊羯奴

人生半哀樂天地有順逆慨彼萬國夫休明備征

狄一作敵猛將紛填委廟謀畜長策劉楨詩職東郊

何時開帶甲且未釋欲告清宴罷一作披難拒幽明

迫三歎酒食傍何由似平昔書序淮夷徐戎並與東郊不開左傳魏

子曰惟食忘憂吾子
置食之間三嘆何也

三川觀水漲二十韻舊唐書三川縣屬鄜州以華池水黑水及

洛水三川同會因為名黃曰公天寶十五載夏自奉先之同州白水賦高齊詩已
是五月又自白水之鄜州道出華原是赴
靈武所經也同州在華原東百八十里華
原北至坊州百八十里坊北至鄜百四十
五里豈非公自白水西北至華原又自華
原北至坊復自坊北至鄜也是年史不書
大水而詩言水患為甚可以補史之闕

我經華原來不復見平陸北上惟土山連天走窮

一作谷火雲無時出一作出飛電常在日長安志

本漢殺羽縣地隋開皇六年改泥陽為華原縣貞觀十七年屬雍州大足元年隸京兆府

宜若水又南出土門山西北又謂之沮水元和郡縣志土門山在華原縣東南四里淮南子早雲煙

火盧思道納涼賦自多窮岫雨行潦相歷

火雲赫而四舉

鳥孔 甸口答 川氣黃羣流會空曲歷水相擊翁甸

切 相歷注 甸重疊也 清晨望高浪忽謂陰崖踣音

恐泥去聲 竄蛟龍登危聚麋鹿枯查同 卷拔樹礪洛

切 硯口罪 共充塞廣韻泥滯也陷也論語致遠恐

危而雍容 查水中 聲吹鬼神下勢閱人代速不

有萬穴歸何以尊四瀆自多窮岫雨至 及觀泉源

漲反懼江海覆漂沙圻岸去去岸 漱壑松栢禿乘

陵陳作破山門迴幹鳥活裂一作地軸海賦漂沙

運詩圻岸屢崩奔按玉篇圻一音魚斤切與垠同

賦漱壑生浦山門即十門山也謝惠連詩傾

穴相連海賦又似交洛赴洪河及關豈信宿應沈

地軸挺拔而爭迴

數州沒如聽萬室哭舊唐書洛交縣屬鄜州洛水

水在縣南一里及關謂潼關也關在華山之東

杜氏通典潼關本名曰衝關言河流所衝也○及

觀泉源漲至此言交洛之漲○按洛水發源鄜州

自於山合漆沮水至同州朝邑縣入河其勢最大

石疾故有數州穢濁殊未清風濤怒猶畜一作何

沈沒之懼焉

時通舟車陰氣不一作黤黷按黤當作慘楚錦切

亦

浮生有蕩汨吾道正羈束人

不巳艱險路

此

寰難容身石壁滑側足雲雷屯一作

更跼普天無川梁欲濟願水縮因悲中林士未脫

眾魚腹舉頭向蒼天安得騎鴻鵠

悲陳陶唐書至德元載十月房琯自請討

賊分軍為三楊希文將南軍自宜

壽入劉愨將中軍自武功入李光進將北

軍自奉天入琯自將中軍為前鋒辛丑中

軍北軍遇賊於陳濤斜接戰敗績癸卯琯

自以南軍戰又敗通鑑注陳陶斜在咸陽

縣東斜者山澤之名故又曰陳陶澤

孟冬十郡良家子血作陳陶澤中水野曠一作天

廣

天

天

天

天

天

清一作晴無戰聲四萬義軍同日死漢書六郡良家子選給羽林期

門唐書時瑄效古法用車戰賊縱火羣歸來

雪趙作洗箭仍唱一云歌飲都市都人迴面向

北啼日夜更望官軍至羣謂祿山之衆

悲青坂青坂地名按陳濤斜在咸陽房瑄師次便橋便橋在咸陽縣西南

里青坂去陳陶便橋當不遠

我軍青坂在東門天寒飲馬太白窟辛氏三秦記

功縣南去長安三百里不知高幾許諺曰武功太白去天三百古樂府飲馬長城窟○按史云瑄敗陳陶殘卒數千不能軍帝使哀夷散復圖進取青坂東門駐軍之地也飲馬太白其依山而守乎

黃頭奚兒日向西數騎彎弓敢馳突唐書室韋

頭部強部也奚亦東種東北契丹西突厥南白根河北霽安祿山事蹟祿山反發同羅奚契丹室

韋曳落河之衆號父子軍山雪河水野樊作蕭颯青是烽一作

煙白人骨焉得附書與我軍忍待明年莫倉卒時

陷賊中故曰附書我軍何中使邢延恩促戰遂敗忍待明年莫倉卒即瑄持重意也陳陶之敗與潼關之敗其失皆在以中人促戰不當專為瑄罪也故子美淡悲之

對雪

戰哭多新鬼愁吟獨老翁亂雲低薄暮急雪舞迴

風洛神賦若流飄棄樽無綠爐存火似紅數州消

風洛神賦若流飄棄樽無綠爐存火似紅數州消

息斷愁坐正書空

世說殷浩坐廢終日書空作咄咄怪事四字

月夜

今夜鄜州

音夫

月閨中只獨看

唐書鄜州洛交郡屬關內道時公之家寓

鄭州

遙憐小兒女未解憶長安香霧雲鬟濕清輝

玉臂寒何時

一作當

倚虛幌雙照淚痕乾

江淹擬古詩煉藥照

幌虛

蘇端薛復筵簡薛華醉歌

舊唐書楊瑄謚文正比部郎中

蘇端持兩端下圖曰端時白衣唐科各記端來春始及第薛復未詳獨孤及燕集詩

序右金吾倉曹薛華會某某於署之公堂至德二載正月賊中作

文章有神交有道端復得之名譽蚤愛客滿堂盡

豪傑

英華同

一作翰開筵上日思芳草安得健步移遠梅

亂挿繁花向晴昊

書正月上日注上日期日也

千里猶殘舊水

雪百壺且試開懷抱垂老惡聞戰鼓悲急

一作傷

為緩憂心持少年努力縱談笑看我形容已枯槁

謝靈運詩急觴盞幽默詩我心憂傷怒焉如擣

座中薛華善

一作能

醉歌

歌詞自作風格老近來海內為

英華作無

長句汝與山

東

英華同

李白好何劉沈謝力未工才兼鮑照愁絕

倒

按唐人劉全白作太白碣記云廣漢人曾鞏序又云蜀郡人隱岷山而舊書則以為山東人考

杜工部詩集

卷三

下

之廣漢蜀郡山東皆白僑寓所在白本隴西成紀人京武昭王嵩九世孫李陽水序可據也此稱山東蓋太白父為任城令因家焉生平客齊充間最久故時人以山東李白稱之太白東魯行學劍來山東此明証也元微之作子美墓誌亦曰是時山東人李白亦以文奇取稱自曾子固疑舊史為誤而楊用修又因李陽水魏顛序有自號東山之說遂謂後人妄改山東殊不狀也錢箋梁書何遜文章與劉孝綽並見重於世世謂之何劉世祖者編論之云詩多而能者沈約少而能者謝朓何遜營為古樂府文甚道麗諸生頗盡新知樂萬事終傷不自保氣酣日落西風來願吹野水添英華作注金杯如澗之酒常快意亦荆作知窮愁英華作未安在哉左傳有忽憶兩時秋井塌古人白骨生青苔

如何不飲令心哀

元日寄韋氏妹至德二載元日

近聞韋氏妹迎在漢鍾離唐濠州鍾離郡本春秋鍾離子國漢為縣屬九

江郡今為鳳陽府郎伯殊方鎮京華舊國移婦人稱其夫曰郎曰伯詩

自伯之東按公同谷詩有妹有妹在鍾離良人春

早沒諸孤癡今云郎伯殊方鎮時尚未沒也

城迴北斗鄂樹發南枝回北斗是用斗柄東而天

安城南為南斗形北為北斗形未當史記楚考

烈王二十二年徙都壽春命曰鄂壽春今壽州屬鳳陽春城已所不見朝正使啼痕滿面垂唐書

使位都督刺史三品以上唐會要天寶六載敕中書門下奏自今以後諸道應賀正使並取元日隨

京官例序
立便見

春望

國破山河在城春一作荒草木深感時花濺淚恨別
鳥驚心烽火連三月家書抵萬金白頭搔更短渾

欲不勝簪鮑照詩白頭零落不勝簪

溫公詩語將羊躡首三星在留言不可久也古
人為詩貴於意在言外使人思而得之近世惟
杜子美最得詩人之體如此詩言山河在明無
餘物矣草木深明無人矣花鳥平時可娛之物
見之而泣聞之而悲則時可知矣他皆類此不可編舉

得舍弟消息二首

